

MPN/plc

ACTA DA SESIÓN EXTRAORDINARIA URXENTE DA COMISIÓN INFORMATIVA DE COOPERACIÓN MUNICIPAL, COOPERACIÓN TRANSFRONTEIRIZA E COHESIÓN SOCIAL DO DÍA 22/06/2023ASISTENTES

| | |
|-------------|--|
| PRESIDENTE: | D. Santos Héctor Rodríguez Díaz |
| SUPLENTE | D ^a Olga María García Ballesteros |
| VOGAIS: | D ^a . Ana María Mejías Sacaluga D. Gorka Gómez Díaz D ^a . Raquel Giráldez Armas D. Manuel González Martínez D. Gregorio Agís Gómez D ^a Iria Lamas Salgueiro D. José Carlos López Campos D. Jorge Cubela López D. Manuel Alejandro Lorenzo Alonso D ^a . María Paz Lago Martínez D. Ignacio Maril Pardo D. José Alfonso Marnotes González D. Javier Tourís Romero D. Xosé Cesáreo Mosquera Lorenzo D ^a . María Ortega Iñarrea, en substitución de D. Uxío Benítez Fernández |

Sendo as dez horas do día vinte e dous de xuño do ano dous mil vinte e tres, reúnen no Pazo Provincial os Sres./as. Deputados/as arriba relacionados, en sesión extraordinaria urxente, e baixo a Presidencia de D. Santos Héctor Rodríguez Díaz. Actúa como secretaria a xefa do Servizo de Cooperación, D^a Marina Piñeiro Novo.

Aberta a sesión polo Presidente, pásase ó estudo dos asuntos incluídos na Orde do Día, sobre os que recaeron os seguintes ditames:

1.- RATIFICACIÓN DA URXENCIA

2.- APROBACIÓN DA ACTA ANTERIOR

Apróbase a acta da sesión anterior correspondente á sesión extraordinaria celebrada o quince de maio do ano dous mil vinte e tres co voto favorable de todos os membros da Comisión.

3.- APROBACIÓN DA CONCESIÓN DE SUBVENCÍONS AO ABEIRO DA CONVOCATORIA DO PROGRAMA PROVINCIAL DE INFRAESTRUTURAS E DOTACÍONS SINGULARES PARA A EXECUCIÓN DA AXENDA 2030 – PROGRAMA PON2030 (Expte. 2023010533)

Sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de concesión de subvencións ao abeiro da convocatoria do Programa PON2030, de conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, con carácter previo á súa elevación ante o Pleno para a súa aprobación:

PROPOSTA DE ACORDO

“ASUNTO: APROBACIÓN DA CONCESIÓN DE SUBVENCÍONS AO ABEIRO DA CONVOCATORIA DO PROGRAMA PROVINCIAL DE INFRAESTRUTURAS E DOTACÍONS SINGULARES PARA A EXECUCIÓN DA AXENDA 2030 – PROGRAMA PON2030

ANTECEDENTES

1º O Pleno da Corporación Provincial na súa sesión extraordinaria do 06/03/2023, mediante o acordo núm. 2.7960, aprobou as Bases reguladoras e convocatoria do Programa provincial de infraestruturas e dotacións singulares para a execución da Axenda 2030 – Programa PON2030.

As ditas bases e o extracto da convocatoria publicáronse no BOPPO núm. 46, do 07/03/2023, sendo o prazo de presentación de solicitudes de corenta e cinco días naturais a partir da dita publicación.

2º De acordo coa base reguladora 1ª o obxecto da convocatoria diríxese á concesión de subvencións aos concellos cunha poboación de dereito de ata 50.000 habitantes para investimentos que se estruturan en catro liñas de actuacións: rehabilitación de edificios existentes (tipo 1), nova edificación (tipo 2), espazos urbanos (tipo 3) e residuos municipais (tipo 4).

3º Segundo a base 5ª o financiamento do Programa PON2030 ascende a vinte e dous millóns de euros (22.000.000,00€), financiados con fondos propios da Deputación con cargo ao orzamento provincial do exercicio 2023, imputable á aplicación orzamentaria 2023/942.9420.762.74.

4º A base 6ª indica que o procedemento de concesión é o de concorrencia competitiva, de acordo cos criterios e baremos contidos na dita base, correspondéndolle a súa instrución á xefa do Servizo de Cooperación cos Municipios, tal como se indica na base 7ª.

5º O prazo de presentación de solicitudes rematou o día 21/04/2023 e, dos potenciais 59 concellos beneficiarios da convocatoria, presentaron a solicitude un total de 57 concellos.

Segundo o previsto nas bases 7ª e 10ª procedeuse a requirir a todos os concellos a emenda das súas solicitudes no prazo improrrogable de 10 días con expresa advertencia de que no caso de non emendar as faltas ou omisións teríanse por desistidos das solicitudes, previa resolución.

Respecto as solicitudes dos Concellos de Campo Lameiro e Ponte Caldelas, ao non reunir a solicitude a documentación esixida na convocatoria requíriúselles a súa emenda segundo os requisitos da citada

base 10ª. Ao non presentar a documentación precisa no prazo legalmente establecido, enténdense decaídos no seu dereito e procederase a propoñer a súa desistencia, previa resolución ou acordo do órgano competente na que se declare formalmente.

6º Á vista do estudo dos proxectos realizado por parte da Comisión de persoas expertas, a instrutora do procedemento acordou excluír do proceso de valoración a solicitude do Concello de Vilanova de Arousa ao non axustarse a súa liña de actuación do proxecto a ningún dos catro eixes específicos sinalados na base 1ª e, así mesmo, ao incumprir o especificado na base 5ª ao tratarse da suma de actuacións dispersas no ámbito territorial do municipio de Vilanova de Arousa.

7º Finalizado o proceso de valoración dos proxectos por parte da citada Comisión de persoas expertas, quedan excluídos de subvención os Concellos de Barro, Bueu, Caldas de Reis, Cambados, Catoira, Cuntis, Forcarei, Moraña, Pazos de Borbén, O Rosal, Poio, Salceda de Caselas, Soutomaior e Vila de Cruces, xa que non acadan a puntuación mínima esixida polas Bases.

8º En base aos criterios de concesión, a documentación existente no Servizo de Cooperación, as actas das dúas sesións da Comisión de persoas expertas de 07/06/2023 e 09/06/2023, e o informe dos Servizos técnicos provinciais de 20/06/2023, a instrutora elaborou o día 20/06/2023 unha proposta de puntuación detallada e en orde decrecente, obtida por cada solicitude incluída na fase de valoración e propoñendo a concesión de subvención a 40 solicitudes.

De acordo co previsto nas Bases reguladoras, na data 20/06/2023 a Intervención provincial fiscalizou favorablemente o informe da instrutora xunto coa proposta de puntuación e a relación motivada de solicitudes a excluír.

O día 20/06/2023 a Comisión de avaliación procedeu ao estudo do dito informe acordando por unanimidade que se eleve ao Pleno para a súa aprobación como proposta de resolución definitiva o citado informe, no que se propón a concesión de subvención para as solicitudes de 40 concellos.

Das 40 solicitudes que cumpren todos os requisitos esixidos polas Bases, propónse o reparto entre elas da totalidade do crédito (22.000.000,00€) e deste xeito correspóndelles a concesión do 100% da subvención a todos os concellos agás ao Concello de Ribadumia, ao que lle corresponde 202.724,24€ dun total de 385.146,51€ solicitados, ao esgotarse a totalidade do crédito do Programa PON2030.

No caso do Concello de Agolada detectouse un erro na valoración, dado que inicialmente considerouse que a actuación a realizar encadrábase dentro do Tipo 1 cando na realidade correspóndese cunha actuación de Tipo 2, o que deu lugar a unha modificación nos porcentaxes da achega municipal que pasou dun 15% a un 20%, na puntuación total acadada, e como consecuencia nos importes da subvención a conceder que minorouse dende os 461.508,30€ iniciais ata os 434.360,76€.

10ª Á vista desta última valoración a instrutora formula o presente informe-proposta de concesión de subvencións para a súa elevación ante o Pleno para a súa aprobación.

11ª Así mesmo, sométese ao ditame da Comisión Informativa de Cooperación cos Municipios, Cooperación Transfronteiriza e Cohesión Social.

FUNDAMENTOS DE DEREITO

Réxime xurídico

- Lei 38/2003, de 17 de novembro, xeral de subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)
- Lei 7/1985, de 2 de abril, reguladora das bases do réxime local (LRBRL)
- Lei 5/1997, de 22 de xullo, reguladora da administración local de Galicia (LALGA)

- Lei 39/2015, de 1 de outubro, do procedemento administrativo común das administracións públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Lei 9/2007, de 13 de xuño, de subvencións de Galicia (LSG)
- Lei 19/2013, de 9 de decembro, de transparencia, acceso á información pública e bo goberno.
- Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)
- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014
- Bases reguladoras e convocatoria do Programa provincial de infraestruturas e dotacións singulares para a execución da Axenda 2030 - Programa PON2030
- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30 de decembro de 2016
- Bases de execución do orzamento da Deputación para o exercicio 2023

Consideracións xurídicas

Instrución do expediente

- Base reguladora 6ª da convocatoria, que establece que o procedemento de concesión das subvencións é o de concorrencia competitiva, de acordo cos criterios de valoración recollidas nela
- Base reguladora 7ª da convocatoria, que indica que lle corresponde á xefa do Servizo de Cooperación á instrución do procedemento de concesión

Petición e evacuación de informes

- Artigos 79 e 80 da LPACAP, sobre a petición e a evacuación de informes
- Artigo 88.6 da LRXAP, que sinala que a aceptación de informes ou ditames servirá de motivación á resolución cando se incorporen ao texto da mesma
- Artigo 213 e ss. do TRLRFL, sobre o control e a fiscalización da xestión económica que lle corresponde realizar á Intervención
- Bases 47ª e 48ª de execución do Orzamento provincial para 2023, sobre o control e a fiscalización da xestión económica, que sinalan a competencia da Intervención para realizar esta función
- Artigo 24 da LXS, que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención
- Base reguladora 7ª da convocatoria, que indica que a xefa do Servizo de Cooperación, emitirá informe-proposta no que figurará a valoración feita pola comisión de persoas expertas á luz dos criterios de valoración establecidos nas bases, explicando o sistema de valoración seguido, relacionando as solicitudes por orde decrecente de puntuación, e sinalando a subvención que lle corresponde a cada un dos beneficiarios segundo o solicitado e as porcentaxes de cofinanciamento. Así mesmo, relacionaranse as solicitudes desestimadas, motivando as razóns da desestimación

Resolución do expediente

- Artigo 22 da LXS, que dispón que a proposta de concesión formularase ao órgano concedente a través do órgano instructor.
- Artigo 25 da LXS, polo que o órgano competente resolverá o procedemento e a resolución motivarase de conformidade co que dispoñan as bases reguladoras da subvención
- Artigo 62 do RLXS, que establece que na resolución de concesión deberán quedar claramente identificados os compromisos asumidos polos beneficiarios.
- Artigo 185 do TRLRFL, que regula as competencias en materia de xestión de gasto.
- Base de execución 25ª do orzamento provincial para o exercicio 2023 que recolle as normas xerais reguladoras das subvencións
- Base reguladora 1ª da convocatoria que define o obxecto e as finalidades subvencionables que poden acollerse a este programa
- Bases reguladoras 8ª e 10ª da convocatoria que recolle a necesaria documentación para a concesión da subvención e o prazo para a súa presentación
- Base reguladora 10ª da convocatoria que, segundo o disposto nos artigos 68.1 da LPAC, 23.5 da LXS, e 20.6 da LSG, prescribe que no caso de presentar incompleta a documentación á que se refire a dita base, se requirirá ao interesado para que nun prazo máximo de 10 días hábiles, emende as faltas ou omisións, con indicación de que non facelo, teráselle por desistido da súa solicitude, previa resolución ditada nos termos do artigo 21 da LPACAP
- Artigos 23.5 da LXS e 20.6 da LSG, en concordancia co artigo 68.2 da LPACAP, polos que o prazo de requirimento de emenda, ao abeiro dos procedementos de concesión en réxime de concorrencia competitiva, será improrrogable.
- Artigo 21.1 da LPACAP, polo que a administración está obrigada a ditar resolución expresa e a notificala calquera que sexa a forma de iniciación, que no caso da desistencia consistirá na declaración da circunstancia da súa concorrencia, con indicación dos feitos producidos e as normas aplicables.
- Artigo 84.1 da LPACAP, polo que porán fin ao procedemento a resolución, a desistencia, a renuncia ao dereito en que se funde a solicitude, cando tal renuncia non estea prohibida polo ordenamento xurídico, e a declaración de caducidade

CONCLUSIÓNS

De acordo cos antecedentes e os fundamentos de dereito, no exercicio das competencias recollidas no artigo 35 da LRBR, no artigo 63 do ROFRXEL e as Bases específicas de execución do vixente orzamento, e vistas as actas das dúas sesións da Comisión de persoas expertas de 07/06/2023 e 09/06/2023, o informe dos Servizos técnicos provinciais de 20/06/2023, o informe da xefa do Servizo de Cooperación de 20/06/2023, o informe de Intervención de 20/06/2023, a acta da Comisión de avaliación de 20/06/2023, sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte PROPOSTA DE ACORDO:

- APROBAR A CONCESIÓN DE SUBVENCIONS ao abeiro do Programa provincial de infraestruturas e dotacións singulares para a execución da Axenda 2030 – Programa PON2030, segundo o procedemento de concorrencia competitiva, aos 40 concellos beneficiarios que figuran no **Anexo I** a este acordo, para a realización dos investimentos que se relacionan no mesmo, por un importe total de 22.000.000,00€, e de acordo coas porcentaxes previstas nas Bases reguladoras.

A concesión de subvención aos Concellos de Arbo, Baiona, Cangas, Meis, Mondariz, Nigrán, O Grove, Pontecesures, Redondela e Tui queda condicionada á obtención das correspondentes autorizacións sectoriais, que xa constan solicitadas.

A concesión de subvención ao Concello de Ribadumia queda condicionada á presentación por este Concello do compromiso dunha nova achega municipal, que aumentaría dende os 67.967,03€ iniciais ata os 250.389,30€, ao esgotarse co seu proxecto a totalidade do crédito dispoñible do Programa PON2030.

Así mesmo, as presentes subvencións concédense con suxeición ás seguintes condicións:

a) Tras a resolución definitiva asinarase un convenio cos concellos beneficiarios, no que se definirán as actuacións obxecto de subvención e estableceranse de maneira pormenorizada os seus deberes.

b) As subvencións concédense para colaborar na execución das devanditas actuacións, non podendo cambiarse o destino nin a contía das mesmas.

c) Os beneficiarios deberán posuír tódalas autorizacións sectoriais necesarias así como as licenzas e permisos preceptivos para a execución dos investimentos ao abeiro do establecido nas Bases reguladoras.

d) Os beneficiarios deberán ter executadas na súa totalidade as actuacións para as que se conceden as axudas a 30/04/2025. Así mesmo, deberán xustificalas no prazo de cinco meses desde a súa finalización (marcada pola data máxima da certificación final ordinaria) sen exceder, en todo caso, o 30/09/2025. O incumprimento destas obrigas dará lugar ao inicio do expediente de perda do dereito ao cobro total ou parcial da subvención.

e) A licitación, execución e xustificación destes investimentos correspóndelle aos concellos beneficiarios, e realízase conforme ao previsto nas Bases reguladoras e a lexislación vixente en materia de contratación e subvencións.

f) Para o aboamento da subvención concedida, requirirase a presentación da documentación xustificativa prevista nas Bases, e previa comprobación por parte dos servizos técnicos provinciais, Cooperación e Intervención, de que se realizou o gasto para o fin e polo importe subvencionado e, ademais, de que se cumpriu coa finalidade e o obxecto da subvención. A non xustificación ou a xustificación fóra de prazo dará lugar ao inicio do expediente de perda, total ou parcial, do dereito ao cobro da subvención correspondente.

No **Anexo II** relaciónanse 17 solicitudes desfavorables, motivando as razóns da exclusión.

- AUTORIZAR e comprometer o gasto por importe de 22.000.000,00€ na aplicación 2023/942.9420.762.74 do vixente orzamento provincial.

- TER POR DESISTIDAS as solicitudes dos Concellos de Campo Lameiro e Ponte Caldelas, de conformidade coa base reguladora 10ª, ao non contestar os concellos aos requirimentos de documentación realizados polo Servizo de Cooperación nos prazos legalmente establecidos.

- DAR TRASLADO do presente acordo aos interesados, á Intervención, ao Servizo de Cooperación e ao Gabinete da Presidencia.”

ANEXO I - RELACIÓN DE CONCESIÓN DE 40 SUBVENCIONES

| EXPTE. | CONCELLO | ACTUACIÓN | LIÑA | PUNTUACIÓN | ORZAMENTO | SUBVENCIÓN PROPOSTA | ACHEGA MUNICIPAL | OBSERVACIONES |
|------------|------------|--|------|------------|----------------|---------------------|------------------|--|
| 2023030757 | LALÍN | CONSTRUCCIÓN EDIFICIO POLIVALENTE DE CARRAGOSO | 2 | 82,64 | 741.548,50 € | 482.006,52 € | 259.541,98 € | |
| 2023030395 | OIA | REFORMA DA PRAZA DE ABASTOS DE OIA | 1 | 81,81 | 981.332,34 € | 388.626,90 € | 592.705,44 € | |
| 2023029472 | VALGA | CONSTRUCCIÓN DE SENDA PEONIL E VÍA CICLABLE NO CONTORNO DA LAGOA DE PORTO PIÑEIRO | 3 | 81,63 | 614.738,09 € | 522.527,38 € | 92.210,71 € | |
| 2023030670 | MEAÑO | ADQUISICIÓN DE VEHÍCULO BIOCAMPARTIMENTADO E CONTEDORES | 4 | 79,65 | 354.530,00 € | 301.350,50 € | 53.179,50 € | |
| 2023030289 | LAMA, A | MELLORA DA ACCESIBILIDADE E A SEGURIDADE PEONIL NO CONTORNO DA RÚA ALAMEDA | 3 | 77,93 | 336.628,28 € | 302.965,45 € | 33.662,83 € | |
| 2023030722 | DOZÓN | REHABILITACIÓN DE EDIFICIO PARA USO SOCIOCULTURAL NO CASTRO DE DOZÓN | 1 | 77,07 | 450.418,51 € | 347.275,91 € | 103.142,60 € | |
| 2023030350 | VILABOIA | REHABILITACIÓN DE EDIFICIO PARA CENTRO SOCIAL E DE MAIORES | 1 | 75,89 | 643.268,02 € | 490.446,07 € | 152.821,95 € | |
| 2023030698 | TOMIÑO | INTEGRA TOMIÑO: REHABILITACIÓN ENERXÉTICA DA CASA DA CULTURA E OUTROS EQUIPAMENTOS | 1 | 74,12 | 1.332.968,15 € | 999.726,11 € | 333.242,04 € | |
| 2023030740 | GONDOMAR | ACONDICIONAMENTO DA PRAZA MANUEL ALONSO (ALAMEDA) | 3 | 72,20 | 1.198.353,69 € | 925.994,61 € | 272.359,08 € | |
| 2023030701 | GUARDA, A | PROXECTO BÁSICO E DE EXECUCIÓN DE REFORMA INTEGRAL. EDIFICIOS SINDE, BLOQUE 1 | 1 | 70,28 | 1.038.094,14 € | 709.738,81 € | 328.355,33 € | |
| 2023030749 | CRECENTE | RENOVACIÓN DE EQUIPAMENTOS NO CAMPO DE FÚTBOL DO CONCELLO DE CRECENTE | 1 | 69,89 | 428.478,28 € | 364.206,54 € | 64.271,74 € | |
| 2023030674 | GROVE, O | INSTALACIÓN DEPORTIVA EN BIZOCAS | 3 | 69,33 | 930.411,13 € | 743.428,93 € | 186.982,20 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 2023030717 | PORTAS | REHABILITACIÓN E MELLORA ENERXÉTICA DA ANTIGA CASA CONSISTORIAL DE PORTAS | 1 | 67,46 | 207.614,46 € | 176.472,29 € | 31.142,17 € | |
| 2023030287 | PORRIÑO, O | ESPAZO PÚBLICO E HUMANIZACIÓN RÚA PÍO XII. FASE 1 | 3 | 67,39 | 1.380.258,52 € | 920.000,00 € | 460.258,52 € | |

| EXPTE. | CONCELLO | ACTUACIÓN | LIÑ A | PUNTUACIÓ N | ORZAMENTO | SUBVENCIÓN PROPOSTA | ACHEGA MUNICIPAL | OBSERVACIÓNS |
|----------------|-------------------------|--|----------|----------------|----------------|------------------------|---------------------|--|
| 202303068 8 | SANXENXO | MIRADOIRO DA PEIXEIRA E CONEXIÓN CON CAMPO DE SAN ROQUE (PORTONOVO) | 3 | 67,29 | 990.537,77 € | 792.430,22 € | 198.107,55 € | |
| 202303032 3 | COVELO | ACONDICIONAMENTO DO XIMNASIO NO PAVILLÓN MUNICIPAL | 1 | 66,39 | 435.000,00 € | 369.750,00 € | 65.250,00 € | |
| 202303031 2 | NEVES, AS | ACONDICIONAMENTO DA PRAZA DE SANTA MARÍA DE LIÑARES | 3 | 62,94 | 528.649,00 € | 475.784,10 € | 52.864,90 € | |
| 202303028 8 | MONDARIZ | CAMPO DE FÚTBOL E ZONA DE DEPORTE NA LAGOA | 1 | 62,63 | 489.900,00 € | 416.415,00 € | 73.485,00 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 202303069 3 | PONTEAREAS | MOBILIDADE AMABLE E RECUPERACIÓN DE ESPAZOS PÚBLICOS: AVDA. CONSTITUCIÓN E CONTORNA DOS XARDÍNS DA XIRALDA (R/CONCHA BREY) | 3 | 62,56 | 925.814,64 € | 694.360,98 € | 231.453,66 € | |
| 202303068 1 | NIGRÁN | MELLORA E REMODELACIÓN DO PARQUE DA RAMALLOSA | 3 | 59,73 | 962.197,12 € | 769.757,70 € | 192.439,42 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 202303038 8 | PONTECESURE S | PROXECTO DE ACONDICIONAMENTO DA CONTORNA DA ESTACIÓN DO TREN | 3 | 59,24 | 466.268,60 € | 347.741,00 € | 118.527,60 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 202303038 2 | ESTRADA, A | MÓDULO CUBERTO MULTIDEPORTE | 2 | 58,58 | 2.028.588,72 € | 1.000.000,00 € | 1.028.588,72 € | |
| 202302407 2 | CAÑIZA, A | ACONDICIONAMENTO E MELLORA DA EFICIENCIA ENERXÉTICA DO CAMPO DE FÚTBOL DE AUGAS FÉRREAS | 1 | 58,42 | 599.935,27 € | 479.948,21 € | 119.987,06 € | |
| 202303070 4 | REDONDELA | REURBANIZACIÓN DA RÚA AS CARDOSAS, RÚA SALGUEIRAL E A SÚA CONTINUACIÓN POLA RÚA ERNESTINA OTERO EN VILAVELLA | 3 | 57,98 | 982.719,40 € | 737.039,55 € | 245.679,85 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 202303035 4 | VILAGARCÍA DE AROUSA | AMPLIACIÓN DAS INSTALACIÓNS E PISCINAS MUNICIPAIS DE FONTECARMOA | 2 | 56,93 | 3.184.114,33 € | 1.000.000,00 € | 2.184.114,33 € | |
| 202302803 0 | MARÍN | MELLORA DA EFICIENCIA ENERXÉTICA, A ACCESIBILIDADE E A HABITABILIDADE DO PAVILLÓN POLIDEPORTIVO DA CAÑOTA | 1 | 55,78 | 662.811,76 € | 463.968,23 € | 198.843,53 € | |
| 202303071 2 | BAIONA | ADECUACIÓN DE ESPAZO PÚBLICO E MELLORA DAS REDES DE SERVIZO NA PRAZA VICTORIA R. CADAVAL | 3 | 55,31 | 580.731,66 € | 464.585,32 € | 116.146,34 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |

| EXPTE. | CONCELLO | ACTUACIÓN | LIÑ A | PUNTAJ O N | ORZAMENTO | SUBVENCIÓN PROPOSTA | ACHEGA MUNICIPAL | OBSERVACIÓNS |
|----------------|--------------------|--|----------|------------------|----------------|------------------------|---------------------|--|
| 202303000 4 | MEIS | MELLORA DA EFICIENCIA ENERXÉTICA, SEGURIDADE CONTRA INCENDIOS, REFORMA INTERIOR E AMPLIACIÓN DE PRAZAS ESCOLA INFANTIL 0-3 DE MOSTEIRO | 1 | 53,60 | 467.603,30 € | 397.462,81 € | 70.140,49 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 202303032 5 | FORNELOS DE MONTES | REHABILITACIÓN DAS INSTALACIÓNS MUNICIPAIS DEDICADAS A PISCINAS | 1 | 53,50 | 351.433,59 € | 298.718,55 € | 52.715,04 € | |
| 202303070 5 | ILLA DE AROUSA, A | NOVA SENDA PEONIL NO PASEO NAVAL | 3 | 52,43 | 442.520,00 € | 398.268,00 € | 44.252,00 € | |
| 202302962 3 | MOAÑA | PROXECTO DE EXECUCIÓN DE REHABILITACIÓN DAS CARPINTERÍAS DE RIBEIRA DE A SEARA | 1 | 52,12 | 919.452,49 € | 689.589,37 € | 229.863,12 € | |
| 202303022 3 | ARBO | MELLORA DA MOBILIDADE PEONIL NO CONTORNO DA CAPELA DE SAN XOÁN DE BARCELA. FASE I | 3 | 52,03 | 408.510,44 € | 367.659,40 € | 40.851,04 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 202303001 3 | SALVATERRA DE MIÑO | RECUPERACIÓN DO ESPAZO PARA USO PEONIL NA RÚA DA FORCA | 3 | 51,80 | 540.416,10 € | 432.332,88 € | 108.083,22 € | |
| 202303069 0 | AGOLADA | REMODELACIÓN DE PISCINA MUNICIPAL CON EDIFICACIÓN DE APOIO | 2 | 51,76 | 542.950,95 € | 434.360,76 € | 108.590,19 € | |
| 202303000 8 | CANGAS | PEONALIZACIÓN ÁMBITO DA RÚA EDUARDO VICENTI E AVENIDA DE MONTERO RÍOS | 3 | 51,46 | 1.187.671,57 € | 890.753,68 € | 296.917,89 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 202302386 0 | CERDEDO-COTOBADE | HUMANIZACIÓN E MELLORA DAS INFRAESTRUTURAS EN NÚCLEO DOS CASTROS | 3 | 51,08 | 260.000,00 € | 221.000,00 € | 39.000,00 € | |
| 202303030 8 | RODEIRO | HUMANIZACIÓN E MELLORA PEONIL DA RÚA B DE RODEIRO | 3 | 50,90 | 472.953,05 € | 425.657,75 € | 47.295,30 € | |
| 202303066 0 | TUI | EXECUCIÓN PASEO DA CORREDOIRA E AUGUSTO GLEZ. BESADA. FASE 1: AUGUSTO GLEZ. BESADA E CORREDOIRA SUR | 3 | 50,69 | 994.643,81 € | 795.715,05 € | 198.928,76 € | CONCESIÓN CONDICIONADA Á OBTENCIÓN DE AUTORIZACIÓNS SECTORIAIS |
| 202303031 8 | SILLEDA | MELLORA DA MOBILIDADE PEONIL E REXENERACIÓN URBANA DA AVENIDA RECINTO FEIRAL E DA RÚA ARTURO PÉREZ LÁZARA | 3 | 50,53 | 893.189,62 € | 759.211,18 € | 133.978,44 € | |
| 202303070 3 | RIBADUMIA | RECOLLIDA DE RSU NO CONCELLO DE RIBADUMIA | 4 | 50,12 | 453.113,54 € | 202.724,24 € | 250.389,30 € | CONCESIÓN CONDICIONADA AO COMPROMISO DE |

| EXPTE. | CONCELLO | ACTUACIÓN | LIÑ A | PUNTUACIÓ N | ORZAMENTO | SUBVENCIÓN PROPOSTA | ACHEGA MUNICIPAL | OBSERVACIÓNS |
|--------|----------|---------------|----------|----------------|------------------------|------------------------|-----------------------|--|
| | | | | | | | | AUMENTO DA ACHEGA MUNICIPAL INICIAL |
| | | TOTAIS | | | 31.410.368,84 € | 22.000.000,00 € | 9.410.368,84 € | |

ANEXO II – RELACIÓN DE 17 SOLICITUDES DESFAVORABLES

| EXPTE. | CONCELLO | ACTUACIÓN | MOTIVO |
|------------|--------------------|--|--|
| 2023030708 | MORAÑA | RECUPERACIÓN DE ESPAZOS E HUMANIZACIÓN NO LUGAR DE MOS | O proxecto non acada o 50% da puntuación total (base 6ª 1) |
| 2023030364 | ROSAL, O | REURBANIZACIÓN DAS RÚAS ESTRADA VELLA E SANTIAGO RUIS NA PARROQUIA DE SAN MIGUEL DE TABAGÓN | O proxecto non acada o 50% da puntuación total (base 6ª 1) |
| 2023030263 | PAZOS DE BORBÉN | ACONDICIONAMENTO DA CONTORNA DA IGREXA DE SANTIAGO DE BORBÉN | O proxecto non acada o 50% da puntuación total (base 6ª 1) |
| 2023030359 | BARRO | PROXECTO BÁSICO E DE EXECUCIÓN DE REFORMA DE PAVILLÓN POLIDEPORTIVO DE BARRO | O proxecto non acada o 50% da puntuación total (base 6ª 1) |
| 2023030243 | SALCEDA DE CASELAS | NOVO EQUIPAMENTO COMPLEMENTARIO ÁS PISTAS DEPORTIVAS DESCUBERTAS E DE APOIO AO PAVILLÓN EXISTENTE | O proxecto non acada o 50% da puntuación total (base 6ª 1) |
| 2023030361 | POIO | RECUPERACIÓN DE ESPAZOS PÚBLICOS NO CONTORNO DE VIÑAS E AS LAXES | O proxecto non acada o 50% da puntuación total (base 6ª 1) |
| 2023030710 | BUEU | HUMANIZACIÓN DO CONTORNO DA RÚA NOVA DE ARRIBA EN BELUSO | O proxecto non acada o 50% da puntuación total (base 6ª 1) |
| 2023030720 | CUNTIS | PISCINAS MUNICIPAIS DESCUBERTAS E EDIFICIO POLIVALENTE | O proxecto non acada o 50% da puntuación total (base 6ª 1) |
| 2023030671 | CATOIRA | CONSTRUCCIÓN DE COMPLEXO DEPORTIVO DE CATOIRA EN OESTE | O proxecto non acada o 50% da puntuación total (base 6ª 1) |
| 2023030293 | FORCAREI | VESTIARIOS EN CAMPO DE FÚTBOL MUNICIPAL | O proxecto non acada o 50% da puntuación total (base 6ª 1) |
| 2023030379 | SOUTOMAIOR | PEONALIZACIÓN DA RÚA DE PORTAS E RÚA LAVANDEIRA, ARCADE. CAMIÑO DE SANTIAGO | O proxecto non acada o 50% da puntuación total (base 6ª 1) |
| 2023030677 | VILA DE CRUCES | HUMANIZACIÓN DO RUEIRO URBANO DE VILA DE CRUCES. RÚA NEIRA VILAS E TRAVESÍA VÁZQUEZ 5 | O proxecto non acada o 50% da puntuación total (base 6ª 1) |
| 2023030673 | CALDAS DE REIS | PROXECTO DE ADECUACIÓN AMBIENTAL E CREACIÓN DE ESPAZO DEPORTIVO E DE LECER NAS CORTICEIRAS, CALDAS DE REIS | O proxecto non acada o 50% da puntuación total (base 6ª 1) |
| 2023029975 | CAMBADOS | MELLORA ESTÉTICA E FUNCIONAL DE ENCLAVES TURÍSTICOS NO CASCO HISTÓRICO DE CAMBADOS | O proxecto non acada o 50% da puntuación total (base 6ª 1) |
| 2023030684 | CAMPO LAMEIRO | CONSTRUCCIÓN DE BEIRARRÚAS EN CAMIÑO AGRELO EN CAMPO LAMEIRO, DENDE PK 230,000 ATA PK 584,524 | Ter por desistida a solicitude ao non presentar a documentación requirida (base 10ª) |
| 2023030750 | PONTE CALDELAS | PROXECTO DE EDIFICIO PARA COMPLEXO TERMAL EN PONTE CALDELAS | Ter por desistida a solicitude ao non presentar a documentación requirida (base 10ª) |
| 2023030303 | VILANOVA DE AROUSA | RENOVACIÓN DE INSTALACIÓNS DE ALUMEADO EXTERIOR | Non acollerse ao obxecto subvencionable por cada tipoloxía de actuación (base 6ª 1) e suma de actuacións dispersas (base 5ª) |

Sometido a votación este asunto, a Comisión Informativa de Cooperación Municipal, Cooperación Transfronteriza e Cohesión Social, ditamina favorablemente por maioría, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e abstención do Grupo Provincial do Partido Popular (7).

4.- APROBACIÓN DA ADDENDA Nº 1 AO CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DUN PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSAT (Expte. 2021044958)

De conformidade co establecido nos artigos 123 a 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ó Ditame da Comisión Informativa de Cooperación Municipal, Cooperación Transfronteriza e Cohesión Social a seguinte proposta de acordo con carácter previo á súa elevación ante o Pleno para a súa aprobación:

“ASUNTO: APROBACIÓN DA ADDENDA Nº 1 AO CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DUN PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSAT

Do exame do expediente quedan acreditados os seguintes antecedentes:

- *En data 25/10/2021 asinouse un convenio de colaboración entre o Concello de Vigo e a Deputación Provincial de Pontevedra, para levar a cabo o “PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E A MELLORA DA CUBRICIÓN DO PATIO NO COLEXIO CEIP JAVIER SENSAT”.*
- *O pacto DÉCIMO do convenio prevé a constitución dunha “COMISIÓN DE SEGUIMIENTO E CONTROL”, que terá por obxecto o seguimento e coordinación da execución deste convenio e resolución das dúbidas que poidan producirse na súa interpretación.*

Así, por mor das circunstancias tanto técnicas como económicas vinculadas a execución das actuacións previstas inicialmente no convenio, a Comisión de Seguimento e Control, en virtude das súas competencias, na reunión de data 10/05/2023, aproba por unanimidade a proposta de adecuación das obrigas de financiación do convenio así como a prórroga do prazo de vixencia do convenio ata o 31 de decembro de 2024 en virtude da memoria xustificativa presentada (CSV: 9A2AL7NCJYICUXX4).

- *O pacto SEGUNDO do convenio recolle que o importe do mesmo ascende á cantidade de **QUINCE MILLÓNS SETECENTOS NOVENTA E CINCO MIL DOUSCENTOS CATRO CON SETENTA E UN CÉNTIMOS (15.795.204,71 €)** incluíndo os gastos de execución das obras, así como os gastos asociados á obra en relación ás asistencias técnicas sobre a coordinación de seguridade e saúde, dirección da obra ou asistencia á dirección.*
- *No citado pacto segundo do convenio, establécese a obriga de financiación para cada unha das administracións do seguinte modo:*

| | Exercicio 2021 | Exercicio 2022 | Exercicio 2023 | Total |
|---------------------------------|-----------------------|-----------------------|-----------------------|-----------------|
| DEPUTACIÓN DE PONTEVEDRA | 2.538.752,48 € | 4.125.000,00 € | 4.120.000,00 € | 10.783.752,48 € |

*A Deputación Provincial de Pontevedra comprométese a achegar, para a execución dos investimentos previstos no obxecto deste convenio, a contía de **DEZ MILLÓNS SETECENTOS OITENTA E TRES MIL SETECENTOS CINCUENTA E DOUS EUROS CON CORENTA E OITO CÉNTIMOS (10.783.752,48 euros)**.*

O financiamento comprometido pola Deputación Provincial de Pontevedra terá carácter de achega definitiva á execución do convenio.

*O Concello de Vigo obrígase a achegar ate un máximo de **CINCO MILLÓNS ONCE MIL CATROCENTOS CINCUENTA E DOUS EUROS CON VINTE TRES CÉNTIMOS (5.011.452,23 euros)**, desagregados da forma seguinte:*

| | Exercicio 2021 | Exercicio 2022 | Exercicio 2023 | Total |
|-------------------------|-----------------------|-----------------------|-----------------------|----------------|
| CONCELLO DE VIGO | 1.259.522,10 € | 1.907.386,90 € | 1.844.543,23 € | 5.011.452,23 € |

- *A **situación actual de execución** implica que os importes das actuacións contempladas no convenio se modifiquen tal como queda reflectido nas seguintes táboas, e en virtude do cal procede realizar unha reformulación das obrigas económicas vinculadas ó convenio, pero mantendo sen ningunha modificación a achega da Deputación Provincial prevista no mesmo.*

| | Total inicial | Proposta de axuste | NOVO IMPORTE |
|--|----------------------|---------------------------|---------------------|
| 1.- HUMANIZACIÓN MARTINEZ GARRIDO FASE 4 | 1.265.055,00 € | - € | 1.265.055,00 € |
| 2.- VIGO VERTICAL – JR Jimenez FASE ROMIL E HISPANIDADE | 1.343.697,48 € | 930.252,10 € | 2.273.949,58 € |

| | | | |
|--|-----------------|------------------|-----------------|
| 3.- VIGO VERTICAL - Travesía de Vigo - Aragón | 930.252,10 € | - 930.252,10 € | - € |
| 4.- VIGO VERTICAL - J BENAVENTE - TORRECEDEIRA. Fase Marques de Valterra Torrecedeira | 1.240.336,13 € | - € | 1.240.336,13 € |
| 5.- RECUPERACIÓN DO SISTEMA DUNAR NA PRAIA SAMIL T.M. VIGO. FASE I: ENTRE PUNTA SAMIL E CAMALEÓN | 4.556.728,11 € | - 2.200.000,00 € | 2.356.728,11 € |
| 6.- HUMANIZACIÓN SAN ROQUE. FASE GREGORIO ESPINO - RUA RUISEÑOR | 1.447.058,82 € | - € | 1.447.058,82 € |
| 7.- HUMANIZACIÓN AVDA CASTELAO. FASE ROTONDA BARCO E DARIO DURAN | 1.550.420,17 € | - € | 1.550.420,17 € |
| 8.- PLAN DE MELLORA DE FIRMES EN VIAS MUNICIPAIS | 3.100.000,00 € | 2.200.000,00 € | 5.300.000,00 € |
| 9.- CUBRICIÓN DO PATIO CO CEIP JAVIER SENSANT | 361.656,90 € | 4.303,03 € | 365.959,93 € |
| | 15.795.204,71 € | 4.303,03 € | 15.799.507,74 € |

| | Exercicio 2021 | Exercicio 2022 | Exercicio 2023 | Total |
|--------------------------|----------------|----------------|----------------|-----------------|
| Deputación de Pontevedra | 2.538.752,48 € | 4.125.000,00 € | 4.120.000,00 € | 10.783.752,48 € |

| | Exercicio 2021 | Exercicio 2022 | Exercicio 2023 | Exercicio 2024 | Total |
|------------------|----------------|----------------|----------------|----------------|----------------|
| Concello de Vigo | 550.000,00 € | 647.144,90 € | 3.218.610,36 € | 600.000,00 € | 5.015.755,26 € |

*O Concello de Vigo obrígase a achegar ate un máximo de **CINCO MILLÓNS ONCE MIL CATROCENTOS CINCUENTA E DOUS EUROS CON VINTE TRES CÉNTIMOS (5.015.755,26 euros)**.*

Non obstante, a execución e o pagamento quedará condicionado, en todo caso, á aprobación dos orzamentos xerais do concello do ano 2024 ou das modificacións orzamentarias que se aproben para garantir o cofinanciamento de cada un dos proxectos que conforman o obxecto do contrato.

- *As actuacións que implican alteracións de carácter substancial acaecidas no desenvolvemento das obras foron dotadas de crédito no marco orzamentario do Concello, como entidade executora do mesmo, tal como se reflicte na seguinte táboa.*

| Aplicación | Concepto | 2021 | 2022 | 2023 | 2024 | Total |
|----------------|---|--------------|--------------|--------------|--------------|----------------|
| 1532.619.00.32 | HUMANIZACIÓN MARTINEZ GARRIDO FASE 4 | 550.000,00 € | - € | - € | | 550.000,00 € |
| 1539.619.00.13 | VIGO VERTICAL - CAMELIAS HISPANIDAD FASE ROMIL E HISPANIDAD | | | 730.252,10 € | | 730.252,10 € |
| 1539.619.00.12 | VIGO VERTICAL - J BENAVENTE - TORRECEDEIRA. Fase Marques de Valterra Torrecedeira | - € | 300.000,00 € | 120.336,13 € | | 420.336,13 € |
| 1721.609.00.10 | RECUPERACIÓN DO SISTEMA DURNAR NA PRAIA SAMIL T.M. VIGO. FASE I: ENTRE PUNTA SAMIL E CAMALEÓN | - € | - € | 826.728,11 € | | 826.728,11 € |
| 1532.619.00.08 | HUMANIZACIÓN SAN ROQUE. FASE GREGORIO ESPINO - RUA RUISEÑOR | - € | - € | 447.058,82 € | | 447.058,82 € |
| 1532.619.00.00 | HUMANIZACIÓN AVDA CASTELAO. FASE ROTONDA BARCO E DARIO DURAN | - € | 250.000,00 € | 250.420,17 € | | 500.420,17 € |
| 1532.210.00.04 | PLAN DE MELLORA DE FIRMES EN VIAS MUNICIPAIS | - € | 350.000,00 € | 500.000,00 € | 600.000,00 € | 1.450.000,00 € |
| 3230.622.00.05 | CUBRICIÓN DO PATIO CO CEIP JAVIER SENSANT | - € | 47.144,90 € | 43.815,03 € | | 90.959,93 € |

Asemade, no marco do convenio, pacto TERCEIRO, cabe lembrar que ambas partes propuxeron que o reaxuste das anualidades da execución dos contratos, poderá dar lugar ao reaxuste das anualidades de calquera dos ditos contratos e da resolución que se dite.

- *Doutra parte, respecto do prazo de vixencia do mesmo, o pacto DÉCIMO PRIMEIRO (“PRAZOS DE EXECUCIÓN, XUSTIFICACIÓN E VIXENCIA DO CONVENIO”) establece que “no caso de imposibilidade de remate das obras ou xustificación nos prazos referidos, as partes poderán acordar a ampliación dos mesmos ata o 31/12/2024”.*

- *En canto á vontade de prórroga, a Lei 40/2015, de 1 de outubro, de réxime xurídico do sector público establece no seu artigo 49.h).2º que respecto do prazo de vixencia do convenio “en calquera momento antes da finalización do prazo previsto no apartado anterior, os asinantes do convenio poderán acordar unanimemente a súa prórroga por un período de ata catro anos adicionais ou a súa extinción”.*
- *O interese xeral e a conveniencia na concertación da addenda reflíctense na citada Memoria xustificativa de data 08/06/2023 (CSV: 9A2AL7NCJYICUXX4), na que tamén se fai constar que a adecuación financeira sobre as obrigas para o Concello de Vigo, as cales en parte xa foron executadas e que na actualidade se atopan todas contempladas no marco orzamentario vixente, no supoñen ningún desequilibrio orzamentario, polo que dita proposta de addenda non altera os principios de sustentabilidade financeira, en base ao artigo 7.3 da Lei Orgánica 2/2012, de 27 de abril, de Estabilidade Orzamentaria e Sustentabilidade Financeira que foron determinados na tramitación do presente convenio.*
- *En data 19/06/2023 a xefa do Servizo de Cooperación informa a proposta de addenda e, pola súa banda, en data 20/06/2023, a Intervención provincial emite dilixencia de fiscalizado e conforme de dita proposta.*
- *En data 22/06/2023 sométese ao ditame da Comisión Informativa de Cooperación cos Municipios, Cooperación Transfronteiriza e Cohesión Social para levar a cabo ADDENDA Nº1 AO “CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DUN PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSAT ”.*

FUNDAMENTOS DE DEREITO

Réxime xurídico

- *Lei 38/2003, de 17 de novembro, Xeral de Subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)*
- *Lei 7/1985, de 2 de abril, Reguladora das Bases do Réxime Local (LRBRL)*
- *Lei 5/1997, de 22 de xullo, reguladora da Administración Local de Galicia (LALGA)*
- *Lei 39/2015, de 1 de outubro, do Procedemento Administrativo Común das administracións públicas (LPACAP)*
- *Lei 40/2015, de 1 de outubro, do Réxime Xurídico do Sector Público (LRXSP)*
- *Lei 9/2017, de 8 de novembro, de Contratos do Sector Público, pola que se*

traspoñen ó ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)

- *Lei 9/2007, de 13 de xuño, de Subvencións de Galicia (LSG)*
- *Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRXEL)*
- *Bases de execución do orzamento da Deputación para o exercicio vixente*
- *Ordenanza Xeral de Subvencións da Deputación de Pontevedra (Ordenanza Xeral)*

Consideracións Xurídicas:

Competencia:

- *Artigo 25.2.d) da LRBRL, en concordancia co artigo 80.2.d) da LALGA que atribúe ás administracións municipais a competencia en materia de infraestrutura viaria e outros equipamentos da súa titularidade, así como da ordenación, xestión, execución e disciplina urbanística; a promoción e xestión de vivendas; os parques e xardíns; a pavimentación de vías públicas urbanas e a conservación de camiños e vías rurais.*
- *Artigo 31 da LRBRL, que encomenda ás deputacións que dirixan a súa actividade a asegurar a prestación integral e adecuada dos servizos de competencia municipal, recolléndose no seu artigo 36 como competencia propia das deputacións a asistencia e cooperación económica ós concellos. A estes efectos, a Deputación asegura o acceso da poboación da provincia ó conxunto dos servizos mínimos de competencia municipal mediante calquera fórmula de asistencia e cooperación municipal, para o que poderá outorgar subvencións ou axudas con cargo ós seus recursos propios para a realización e mantemento de obras e servizos municipais.*

Petición e evacuación de informes:

- *Artigos 79 e 80 da LPACAP sobre a petición e a evacuación de informes.*
- *Artigo 88.6 da LPACAP, que sinala que a aceptación de informes ou ditames servirá de motivación á Resolución cando se incorporen ó texto da mesma.*
- *Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.*
- *Artigo 172 do ROFRXEL, que dispón que o xefe da Dependencia á que corresponda tramitar o expediente deberá emitir un informe, expoñendo os antecedentes e as disposicións legais ou regulamentarias en que funde o seu criterio.*
- *Bases 47ª e 48ª de execución do Orzamento provincial para 2023, sobre o control*

e a fiscalización da xestión económica, que sinalan a competencia da Intervención para realizar esta función.

- *Artigo 24 da LXS que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención.*

Procedencia da addenda

- *Artigo 48.5. da LRXSP, que dispón que os convenios que inclúan compromisos financeiros deberán ser financeiramente sostibles, debendo quen os subscriban ter capacidade para financiar os asumidos durante a vixencia del convenio. En consonancia con anterior o artigo 49.d) dispón entre o contido mínimo dos convenios, as obrigas e compromisos económicos asumidos por cada parte e a súa distribución temporal por anualidades.*
- *Artigo 49.f) da LRXSP que recolle como contido mínimo dos convenios os mecanismos de seguimento, vixilancia e control da execución do convenio e dos compromisos adquiridos. A estes efectos, o pacto décimo do convenio prevé unha Comisión de Seguimento, na que se deu conta do estado de execución do convenio e propón a aprobación dunha addenda para adecuar os compromisos financeiros e a ampliación do prazo de vixencia.*
- *Artigo 49.h.2º) da LRXSP, que establece como regra ó respecto da vixencia dos convenios, que en calquera momento antes da finalización do prazo de vixencia do convenio, os asinantes poderán acordar unanimemente a súa prórroga por un período de hasta catro anos adicionais.*

CONCLUSIÓN

En base ás precedentes consideracións e ó interese público que representa esta actuación para a cidade de Vigo, da veciñanza e resto de potenciais visitantes da cidade, visto que o convenio se atopa vixente e que a addenda solicitada non excede dos límites establecidos pola lexislación vixente, visto que as circunstancias o aconsellan e con elo non se prexudican dereitos de terceiros, informo favorablemente a sinatura da ADDENDA Nº1 ó CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DUN PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSAT, para a adecuación financeira, mantendo as mesmas obrigas económicas para a Deputación Provincial de Pontevedra, e co fin de ampliar o prazo de vixencia do convenio un ano, isto é, ata o 31 de decembro de 2024, e mantendo invariable o texto do convenio en todo o demais.

RÉXIME COMPETENCIAL:

De conformidade co disposto no artigo 10.4 da LXS, que sinala que a competencia para conceder subvencións nas corporacións locais correspóndelle ós órganos que teñan atribuídas tales funcións na lexislación de réxime local, en virtude do establecido no artigo 33 da LRBRL e na base 16ª.3.b) das Bases de Execución do Orzamento provincial, compételle ó Pleno a autorización e disposición do gasto.

Este informe no ten carácter vinculante, de feito que o órgano concedente co seu superior criterio decidirá.

Á vista dos informes da xefa do Servizo de Cooperación, da Intervención Provincial e visto o ditame da Comisión Informativa de Cooperación Municipal, Cooperación Transfronteiriza e Cohesión Social, o Pleno ACORDA por _____:

- APROBAR a addenda para a adecuación financeira e a ampliación do prazo de vixencia do “CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DUN PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSAT ”, cuxo tenor literal é o seguinte:*

“ADDENDA Nº 1 Ó CONVENIO DE CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DUN PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSAT

En Vigo a data da sinatura dixital.

INTERVEÑEN

Dunha parte, D^a María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34 da Lei 7/1985, de 2 de abril, reguladora das bases do réxime local, e o artigo 105 da Lei 5/1997, de 22 de xullo, de administración local de Galicia.

Doutra, D. Abel Caballero Álvarez, quen actúa no nome e representación do Concello de Vigo, en virtude da súa condición de Alcalde-Presidente da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de administración local de Galicia e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúan D. Carlos Cuadrado Romay, en calidade de secretario xeral da Deputación de Pontevedra, e D^a Susana Gallardo Fariña, en calidade de secretaria do Goberno Local do Concello de Vigo, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo

EXPOÑEN

1.- Con data 14 de setembro de 2021, foi aprobado pola Xunta de Goberno Local o “CONVENIO DE COLABORACIÓN COA DEPUTACIÓN PROVINCIAL DE PONTEVEDRA PARA A EXECUCIÓN DUN “PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSAT”. EXPTE. 954/441”. Dito convenio foi asinado polas partes con datas de 22 e 25 de outubro de 2021.

2.- Dito convenio regula no pacto “DECIMO” a constitución dunha COMISIÓN DE SEGUIMENTO E CONTROL, que terá por obxecto o seguimento e coordinación da execución deste convenio e resolución das dúbidas que poidan producirse na súa interpretación, a cal estará integrada por tres representantes de cada unha das Administracións asinantes, un dos cales terá carácter técnico.

Entre as competencias de dita Comisión de Seguimento atópase a de “emisión de informe en relación coa necesidade do reaxuste das anualidades do convenio e en relación con cantas incidencias se produzan na execución dos contratos a que este se refire”.

3.- A Comisión de Seguimento do convenio, reunida en sesión de data 10/05/2023, acordan por unanimidade aprobar o contido do informe presentado en relación os contidos propostos para os reaxustes das propostas establecidas inicialmente no marco do convenio debido a cuestións tanto económicas como técnicas, de acordo o contido da acta da reunión que se achega como anexo a esta addenda.

4.- Por todo o exposto, ambas as partes manifestan expresamente o seu propósito de asinar unha addenda co obxecto de proceder aos reaxustes das propostas establecidas inicialmente no marco do convenio debido a cuestións tanto económicas como técnicas, conforme ós seguintes

PACTOS

PRIMEIRO: *A deputación Provincial de Pontevedra e o Concello de Vigo acordan adecuar as obrigas do financiamento do CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DUN PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSAT. de acordo coa seguinte proposta en relación as actuacións vinculadas coa execución do convenio.*

a.- *Recoñecemento das actuacións executadas polo Concello de Vigo en relación os contratos vinculados coa execución do convenio de acordo co contida da acta da comisión de seguimento de data 10/05/2023.*

RESUMEN XERAL DOS PROXECTOS:

| | Total inicial | Proposta de axuste | NOVO IMPORTE |
|--|-----------------|--------------------|-----------------|
| 1.- HUMANIZACIÓN MARTINEZ GARRIDO FASE 4 | 1.265.055,00 € | - € | 1.265.055,00 € |
| 2.- VIGO VERTICAL – JR Jimenez FASE ROMIL E HISPANIDADE | 1.343.697,48 € | 930.252,10 € | 2.273.949,58 € |
| 3.- VIGO VERTICAL - Travesía de Vigo - Aragón | 930.252,10 € | - 930.252,10 € | - € |
| 4.- VIGO VERTICAL - J BENAVENTE - TORRECEDEIRA. Fase Marques de Valterra Torrecedeira | 1.240.336,13 € | - € | 1.240.336,13 € |
| 5.- RECUPERACIÓN DO SISTEMA DUNAR NA PRAIA SAMIL T.M. VIGO. FASE I: ENTRE PUNTA SAMIL E CAMALEÓN | 4.556.728,11 € | - 2.200.000,00 € | 2.356.728,11 € |
| 6.- HUMANIZACIÓN SAN ROQUE. FASE GREGORIO ESPINO - RUA RUISEÑOR | 1.447.058,82 € | - € | 1.447.058,82 € |
| 7.- HUMANIZACIÓN AVDA CASTELAO. FASE ROTONDA BARCO E DARIO DURAN | 1.550.420,17 € | - € | 1.550.420,17 € |
| 8.- PLAN DE MELLORA DE FIRMES EN VIAS MUNICIPAIS | 3.100.000,00 € | 2.200.000,00 € | 5.300.000,00 € |
| 9.- CUBRICIÓN DO PATIO CO CEIP JAVIER SENSANT | 361.656,90 € | 4.303,03 € | 365.959,93 € |
| | 15.795.204,71 € | 4.303,03 € | 15.799.507,74 € |

SEGUNDO: *Adecuación das obrigas de financiación das actuacións do CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DUN PLAN DE MELLORA DA MOBILIDADE URBANA SOSTIBLE NA CIDADE DE VIGO 2021/2023, RECUPERACIÓN DO SISTEMA DUNAR NA PRAIA DE SAMIL E MELLORA DA CUBRICIÓN DO PATIO NO COLEXIO CEIP JAVIER SENSANT de acordo coas seguintes obrigas:*

Achegas económicas da Deputación Provincial de Pontevedra: *(SE MANTENEN SEN NINGUNHA MODIFICACIÓN AS ACHEGAS PREVISTAS NO CONVENIO)*

Achegas económicas do Concello de Vigo: *Se propón a seguinte modificación das achegas do Concello de Vigo:*

*O Concello de Vigo obrígase a achegar ate un máximo de **Cinco millóns once mil catrocentos cincuenta e dous euros con vinte tres céntimos (5.015.755,26 euros)**, desagregados da*

forma seguinte:

| Exercicio 2021 | Exercicio 2022 | Exercicio 2023 | Exercicio 2024 | Total |
|----------------|----------------|----------------|----------------|----------------|
| 550.000,00 € | 647.144,90 € | 3.218.610,36 € | 600.000,00 € | 5.015.755,26 € |

A tal fin, e para garantir a estabilidade do financiamento do convenio, a achega do Concello de Vigo será financiada con cargo os créditos das aplicacións:

| Aplicación | Concepto | 2021 | 2022 | 2023 | 2024 | Total |
|----------------|---|---------------------|---------------------|-----------------------|---------------------|-----------------------|
| 1532.619.00.32 | HUMANIZACIÓN MARTINEZ GARRIDO FASE 4 | 550.000,00 € | - € | - € | | 550.000,00 € |
| 1539.619.00.13 | VIGO VERTICAL - CAMELIAS HISPANIDAD FASE ROMIL E HISPANIDAD | | | 730.252,10 € | | 730.252,10 € |
| 1539.619.00.12 | VIGO VERTICAL - J BENAVENTE - TORRECEDEIRA. Fase Marques de Valterra Torrecedeira | - € | 300.000,00 € | 120.336,13 € | | 420.336,13 € |
| 1721.609.00.10 | RECUPERACIÓN DO SISTEMA DURNAR NA PRAIA SAMIL T.M. VIGO. FASE I: ENTRE PUNTA SAMIL E CAMALEÓN | - € | - € | 826.728,11 € | | 826.728,11 € |
| 1532.619.00.08 | HUMANIZACIÓN SAN ROQUE. FASE GREGORIO ESPINO - RUA RUISEÑOR | - € | - € | 447.058,82 € | | 447.058,82 € |
| 1532.619.00.00 | HUMANIZACIÓN AVDA CASTELAO. FASE ROTONDA BARCO E DARIO DURAN | - € | 250.000,00 € | 250.420,17 € | | 500.420,17 € |
| 1532.210.00.04 | PLAN DE MELLORA DE FIRMES EN VIAS MUNICIPAIS | - € | 350.000,00 € | 500.000,00 € | 600.000,00 € | 1.450.000,00 € |
| 3230.622.00.05 | CUBRICIÓN DO PATIO CO CEIP JAVIER SENSANT | - € | 47.144,90 € | 43.815,03 € | | 90.959,93 € |
| | TOTAL CONVENIO 21/23 | 550.000,00 € | 647.144,90 € | 3.218.610,36 € | 600.000,00 € | 5.015.755,26 € |

TERCEIRO: O prazo de vixencia do convenio se prorroga ata o 31 de decembro de 2024.

CUARTO: En todo o demais, o texto do convenio asinado polo Concello de Vigo e a Deputación Provincial de Pontevedra, respectivamente asinado polas partes con datas de 22 e de 25 de outubro de 2021 mantense invariable, suxeitándose as partes ó seu clausurado.

E para que así conste, e en proba de canto antecede, as partes que interveñen asinan o presente convenio na data da sinatura electrónica.

O Alcalde-Presidente do Concello de Vigo

A Presidenta da Deputación de Pontevedra

Asdo. Abel Caballero Alvarez

Asdo.: M^a Carmen Silva Rego

A Secretaria do Goberno Local do Concello de Vigo

O Secretario Xeral da Deputación de Pontevedra

Asdo.: Susana Gallardo Fariña

Asdo.: Carlos Cuadrado Romay”

- FACULTAR á presidenta para formalizar a devandita Addenda mediante a súa sinatura.*
- DARLLE TRASLADO do presente acordo ó Concello de Vigo, á Intervención, ó Servizo de Cooperación, ó Gabinete da Presidencia e o Gabinete de Prensa.”*

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por maioría, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e a abstención do Grupo Provincial do Partido Popular (7), a proposta de resolución indicada “ut supra”.

5.- APROBACIÓN DA ADDENDA Nº 1 AO CONVENIO DE COLABORACIÓN ENTRE O EXCMO. CONCELLO DE VIGO E A EXCMA. DEPUTACIÓN DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL BALAÍDOS (Expte. 2021019232)

De conformidade co establecido nos artigos 123 a 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ó Ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de acordo con carácter previo á súa elevación ante o órgano competente para a súa aprobación:

“ASUNTO: APROBACIÓN DA ADDENDA Nº 1 AO CONVENIO DE COLABORACIÓN ENTRE O EXCMO. CONCELLO DE VIGO E A EXCMA. DEPUTACIÓN DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAÍDOS

ANTECEDENTES

- En data 31/05/2021 asinouse un convenio de colaboración entre o Concello de Vigo e a Deputación Provincial de Pontevedra, para a realización das obras que posibiliten a finalización das actuacións de remodelación e modernización do estadio municipal de fútbol Balaídos en relación ós proxectos das gradas de “Marcador “ e “Gol”. Segundo o seu pacto primeiro, os investimentos vinculados ao presente convenio atópanse definidos no proxecto de execución da obra “Nova grada de Marcador do estadio municipal de Balaídos”, aprobado pola Xunta de Goberno Local de data 27 de febreiro de 2020.
- O pacto DÉCIMO do convenio prevé a constitución dunha “COMISIÓN DE SEGUIMIENTO E CONTROL”, que terá por obxecto o seguimento e coordinación da execución deste convenio e resolución das dúbidas que poidan producirse na súa interpretación.

Así, por mor das peculiaridades derivadas da execución real dos contratos vinculados a execución da obra “Nova grada de marcador do estadio municipal de Balaídos”, a Comisión de seguimento e control, en virtude das súas competencias, na reunión de data 10/05/2023, aproba por unanimidade a proposta de adecuación das obrigas de financiación do convenio, xustificada polos condicionantes técnicos e económicos, recollidos no informe técnico presentado e asinado polo Xefe da Área de Inversións, o Xefe Administrativo e de Control Orzamentario da Área de Fomento, e conformado polo Segundo Tenente de Alcalde e Concelleiro Delegado da Área de Fomento e Servizos de data 09/05/2023, e respecto dos que se fai unha descrición xeral na memoria xustificativa da addenda de data 08/06/2023 (CSV: PMSFQXVGQZ8VBYS2), baixo a rúbrica “Informe das actuacións realizadas e proposta de reaxuste dos porcentaxes de financiación”.

- O pacto SEGUNDO do convenio recolle que o importe do mesmo ascende á cantidade de “DEZASETE MILLÓNS NOVENTA E SEIS MIL SETECENTOS CINCUENTA E CATRO EUROS CON TRINTA E NOVE CÉNTIMOS ” (17.096.754,39 €) incluíndo os gastos de execución das obras, así como os gastos asociados á obra en relación ás asistencias técnicas sobre a coordinación de seguridade e saúde e a asistencia técnica á dirección da obra.

| | |
|--|------------------------|
| 493/441.- CONTRATO MAIOR OBRAS PROXECTO “DA NOVA GRADA DE MARCADOR DO ESTADIO MUNICIPAL DE BALAIÓDOS” | 16.650.000,00 € |
| 604/441.- COORDINACIÓN SEGURIDADE E SAÚDE OBRAS DE NOVA GRADA DE MARCADOR DO ESTADIO DE BALAIÓDOS | 144.205,99 € |
| 738/441.- ASISTENCIA TÉCNICA Á DIRECCIÓN DE OBRA MUNICIPAL DE “NOVA GRADA DE MARCADOR DO ESTADIO MUNICIPAL DE BALAIÓDOS” | 302.548,40 € |
| Importe total destas actuacións: | 17.096.754,39 € |

- No citado pacto segundo do convenio, no seu punto 2, establécese a obriga de financiación para cada unha das administracións en relación ao proxecto de remodelación do estadio municipal de Balaídos nun 50% da totalidade dos custes.

| | |
|-------------------------------------|------------------------|
| DEPUTACIÓN PROVINCIAL DE PONTEVEDRA | 8.548.377,19 € |
| CONCELLO DE VIGO | 8.548.377,20 € |
| | 17.096.754,39 € |

- **A situación actual de execución** implica que os importes das actuacións contempladas no convenio ascendan a **21.011.372,75 €** tal como queda reflectido na seguinte táboa, e en virtude do cal procede realizar unha reformulación das obrigas económicas vinculadas ó convenio.

| Contratos vinculados o Convenio | Proposta do Convenio | Importes actuais de execución |
|---|------------------------|-------------------------------|
| 493/441.- CONTRATO MAIOR OBRAS PROXECTO "DA NOVA GRADA DE MARCADOR DO ESTADIO MUNICIPAL DE BALAIÓDOS" | 16.650.000,00 € | 20.662.080,73 € |
| 604/441.- COORDINACIÓN SEGURIDADE E SAÚDE OBRAS DE NOVA GRADA DE MARCADOR DO ESTADIO DE BALAIÓDOS | 144.205,99 € | 107.979,42 € |
| 738/441.- ASISTENCIA TÉCNICA Á DIRECCIÓN DE OBRA MUNICIPAL DE "NOVA GRADA DE MARCADOR DO ESTADIO MUNICIPAL DE BALAIÓDOS". | 302.548,40 € | 241.312,60 € |
| Importe total destas actuacións: | 17.096.754,39 € | 21.011.372,75 € |
| <i>Achega Deputación Provincial de Pontevedra</i> | 8.548.377,19 € | 8.548.377,19 € |
| <i>Achega Concello de Vigo</i> | 8.548.377,20 € | 12.462.995,56 € |

- Conforme as táboas anteriores, a obriga de financiación para cada unha das administracións establececese nun 50% da totalidade dos custes inicialmente contemplados no convenio sobre o total dos 17.096.754,39 €, pero en virtude dos importes actuais de execución a achega inicial da Deputación Provincial de Pontevedra por importe de 8.548.377,19 €, determinase como achega finalista ao convenio, suprimindo así a obriga de financiar o 50% das actuacións no marco da "NOVA GRADA DE MARCADOR DO ESTADIO MUNICIPAL DE BALAIÓDOS ", aportando o Concello de Vigo a totalidade dos incrementos que se deriven da execución final deste proxecto.
- As actuacións que implican alteracións de carácter substancial acaecidas no desenvolvemento das obras foron dotadas de crédito no marco orzamentario do Concello,

co obxecto de axilizar a execución no ámbito da súa competencia, como entidade executora do mesmo. Asemade, no marco do convenio, cabe lembrar que ambas partes propuxeron que as modificacións que xurdisen foran asumidas polo Concello de Vigo de acordo os compromisos económicos xa realizados.

- *O interese xeral e a conveniencia na concertación da addenda reflíctense na citada Memoria xustificativa de data 08/06/2023 (CSV: PMSFQXVGQZ8VBYS2), na que tamén se fai constar que a adecuación financeira sobre as obrigas para o Concello de Vigo, as cales xa foron executadas e que na actualidade se atopan todas contempladas no marco orzamentario vixente, no supoñen ningún desequilibrio orzamentario, polo que dita proposta de addenda non altera os principios de sustentabilidade financeira, en base ao artigo 7.3 da Lei Orgánica 2/2012, de 27 de abril, de Estabilidade Orzamentaria e Sustentabilidade Financeira que foron determinados na tramitación do presente convenio.*
- *En data 19/06/2023 a xefa do Servizo de Cooperación informa a proposta da addenda e, pola súa banda, na mesma data, a Intervención provincial emite dilixencia de fiscalizado e conforme da dita proposta.*
- *Así mesmo, sométese ao ditame da Comisión Informativa de Cooperación cos Municipios, Cooperación Transfronteiriza e Cohesión Social de data 22/06/2023.*

FUNDAMENTOS DE DEREITO

Réxime xurídico

- *Lei 38/2003, de 17 de novembro, xeral de subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)*
- *Lei 7/1985, de 2 de abril, reguladora das bases do réxime local (LRBRL)*
- *Lei 5/1997, de 22 de xullo, reguladora da administración local de Galicia (LALGA)*
- *Lei 39/2015, de 1 de outubro, do procedemento administrativo común das administracións públicas (LPAC)*
- *Lei 40/2015, de 1 de outubro, de réxime xurídico do sector público (LRXSP)*
- *Lei 9/2007, de 13 de xuño, de subvencións de Galicia (LSG)*
- *Lei 19/2013, de 9 de decembro de transparencia, acceso á información pública e bo goberno.*
- *Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014*
- *Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)*
- *Real Decreto Legislativo 2/2004, de 5 de marzo, polo que se aproba o texto refundido da Lei reguladora das Facendas Locais (TRLRFL)*
- *Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30 de decembro de 2016*

- *Bases de execución do orzamento da Deputación para o exercicio vixente*

Consideracións xurídicas

Petición e evacuación de informes

- *Artigos 79 e 80 da LPAC, sobre a petición e a evacuación de informes.*
- *Artigo 88.6 da LRXAP, que sinala que a aceptación de informes ou ditames servirá de motivación á resolución cando se incorporen ao texto da mesma.*
- *Artigo 213 e ss. do TRLRFL, sobre o control e a fiscalización da xestión económica que lle corresponde realizar á Intervención.*
- *Artigo 172 do ROFRXEL, que dispón que o xefe da Dependencia á que corresponda tramitar o expediente deberá emitir un informe, expoñendo os antecedentes e as disposicións legais ou regulamentarias en que funde o seu criterio.*
- *Bases 47ª e 48ª de execución do Orzamento provincial para o exercicio vixente, sobre o control e a fiscalización da xestión económica, que sinalan a competencia da Intervención para realizar esta función.*
- *Artigo 24 da LXS, que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención.*

Procedencia da addenda

- *Artigo 48.5. da LRXSP, que dispón que os convenios que inclúan compromisos financeiros deberán ser financeiramente sostibles, debendo quen os subscriban ter capacidade para financiar os asumidos durante a vixencia del convenio. En consonancia con anterior o artigo 49.d) dispón entre o contido mínimo dos convenios, as obrigas e compromisos económicos asumidos por cada parte e a súa distribución temporal por anualidades.*
- *Artigo 49.f) da LRXSP que recolle como contido mínimo dos convenios os mecanismos de seguimento, vixilancia e control da execución do convenio e dos compromisos adquiridos. A estes efectos, o pacto décimo do convenio prevé unha Comisión de Seguimento, na que se deu conta do estado de execución do convenio e propón a aprobación dunha addenda para adecuar os compromisos financeiros.*

Competencia das administracións

- *Artigo 25.2.l) da LRBRL, que, en concordancia co artigo 80.2.n) da LALGA, atribúe, entre outras, ás administracións municipais a competencia en materia de promoción do deporte e instalacións deportivas e de ocupación do tempo libre.*
- *Artigo 31 da LRBRL, que encomenda ás deputacións que dirixan a súa actividade a asegurar a prestación integral e adecuada dos servizos de competencia municipal, recolléndose no seu artigo 36 como competencia propia das deputacións a asistencia e cooperación económica aos concellos. A estes efectos, a Deputación asegura o acceso da poboación da provincia ao conxunto dos servizos mínimos de competencia municipal mediante calquera fórmula de asistencia e cooperación municipal, para o que poderá outorgar subvencións ou axudas con cargo as seus recursos propios para a realización e mantemento de obras e servizos municipais.*

Competencia para resolver

En virtude do establecido na base 16ª.2 das Bases de execución do orzamento provincial, e de conformidade cos artigos 35 da LRBRL e 17 do RLXS, a competencia para resolver atribúeselle á Xunta de Goberno.

CONCLUSIÓNS

En base ás precedentes consideracións e ao interese público que representa esta actuación para a cidade de Vigo, visto que o convenio se atopa vixente e que a addenda solicitada non excede dos límites establecidos pola lexislación aplicable, visto que as circunstancias o aconsellan e con iso non se prexudican dereitos de terceiros, INFORMO FAVORABLEMENTE a sinatura da ADDENDA Nº1 para a adecuación financeira do CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAÍDOS co fin de adecuar as achegas económicas inicialmente comprometidas, mantendo as mesmas obrigas económicas para a Deputación Provincial de Pontevedra e mantendo invariable o texto do convenio en todo o demais.

Este informe non ten carácter vinculante, de feito que o órgano concedente co seu superior criterio decidirá.

Á vista dos informes da xefa do Servizo de Cooperación e da Intervención Provincial, a Xunta de Goberno ACORDA:

–APROBAR a “ADDENDA Nº 1 Ó CONVENIO DE COLABORACIÓN ENTRE O EXCMO. CONCELLO DE VIGO E A EXCMA DEPUTACIÓN DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAIDOS” cuxo texto literalmente transcrito di como segue:

“ADDENDA Nº 1 Ó CONVENIO DE COLABORACIÓN ENTRE O EXCMO. CONCELLO DE VIGO E A EXCMA DEPUTACIÓN DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAIDOS

En Vigo a data da sinatura dixital.

INTERVEÑEN

Dunha parte, Dª María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34 da Lei 7/1985, de 2 de abril, reguladora das bases do réxime local, e o artigo 105 da Lei 5/1997, de 22 de xullo, de administración local de Galicia.

Doutra, D. Abel Caballero Álvarez, quen actúa no nome e representación do Concello de Vigo, en virtude da súa condición de Alcalde-Presidente da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de administración local de Galicia e no artigo 41.1 do Real decreto

2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúan D. Carlos Cuadrado Romay, en calidade de secretario xeral da Deputación de Pontevedra, e D^a Susana Gallardo Fariña, en calidade de secretaria do Goberno Local do Concello de Vigo, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo

EXPOÑEN

1.- O Concello de Vigo e a Deputación Provincial de Pontevedra, asinan respectivamente nas datas 24 e 31 de maio de 2021, a formalización do CONVENIO DE COLABORACIÓN ENTRE O EXCMO. CONCELLO DE VIGO E A EXCMA DEPUTACIÓN DE PONTEVEDRA PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE BALAIIDOS.

2.- Dito convenio regula no pacto "DECIMO" a constitución dunha COMISIÓN DE SEGUIMIENTO E CONTROL, que terá por obxecto o seguimento e coordinación da execución deste convenio e resolución das dúbidas que poidan producirse na súa interpretación, a cal estará integrada por tres representantes de cada unha das Administracións asinantes, un dos cales terá carácter técnico.

Entre as competencias de dita comisión de seguimento atópase a de "emisión de informe en relación coa necesidade do reaxuste das anualidades do convenio e en relación con cantas incidencias se produzan na execución dos contratos a que este se refire".

3.- A Comisión de seguimento do convenio, reunida en sesión de data 10/05/2023, acordan por unanimidade a proposta de realizar unha reformulación das obrigas de financiación recollida no convenio en base as peculiaridades derivadas da excusión real dos contratos vinculados a execución da obra da NOVA GRADA DE MARCADOR DO ESTADIO MUNICIPAL DE BALAIÍDOS, de acordo o contida da acta da reunión que se achega como anexo a esta addenda.

4.- Por todo o exposto, ambas as partes manifestan expresamente o seu propósito de asinar unha addenda co obxecto de proceder o reaxuste das porcentaxes de financiación establecidos inicialmente no marco do convenio para a continuidade das actuacións do proxecto de remodelación do ESTADIO MUNICIPAL DE FÚTBOL DE BALAIIDOS ". conforme ós seguintes

PACTOS

PRIMEIRO: *A deputación Provincial de Pontevedra e o Concello de Vigo acordan adecuar as obrigas da financiación do CONVENIO DE COLABORACIÓN PARA A CONTINUIDADE DAS ACTUACIÓNS DO PROXECTO DE REMODELACIÓN DO ESTADIO MUNICIPAL DE FÚTBOL DE*

BALAIIDOS, de acordo coa seguinte proposta en relación as actuacións vinculadas coa execución do proxecto NOVA GRADA DE MARCADOR DO ESTADIO MUNICIPAL DE BALAIIDOS:

a.- Recoñecemento das actuacións executadas polo Concello de Vigo en relación os contratos vinculados coa execución do proxecto NOVA GRADA DE MARCADOR DO ESTADIO MUNICIPAL DE BALAIIDOS:

| Contratos vinculados o Convenio | Proposta do Convenio | Importes actuais de execución |
|---|------------------------|-------------------------------|
| 493/441.- CONTRATO MAIOR OBRAS PROXECTO "DA NOVA GRADA DE MARCADOR DO ESTADIO MUNICIPAL DE BALAIIDOS" | 16.650.000,00 € | 20.662.080,73 € |
| 604/441.- COORDINACIÓN SEGURIDADE E SAÚDE OBRAS DE NOVA GRADA DE MARCADOR DO ESTADIO DE BALAIIDOS | 144.205,99 € | 107.979,42 € |
| 738/441.- ASISTENCIA TÉCNICA Á DIRECCIÓN DE OBRA MUNICIPAL DE "NOVA GRADA DE MARCADOR DO ESTADIO MUNICIPAL DE BALAIIDOS". | 302.548,40 € | 241.312,60 € |
| Importe total destas actuacións: | 17.096.754,39 € | 21.011.372,75 € |
| Achega Deputación Provincial de Pontevedra | 8.548.377,19 € | 8.548.377,19 € |
| Achega Concello de Vigo | 8.548.377,20 € | 12.462.995,56 € |

SEGUNDO: Adecuación das obrigas de financiación do proxecto NOVA GRADA DE MARCADOR DO ESTADIO MUNICIPAL DE BALAIIDOS:

a.- Modificar o punto 2 do "pacto segundo" de acordo co seguinte texto:

A obriga de financiación para cada un das administracións en relación ao proxecto de remodelación do Estadio Municipal de Balaidos establececese nun 50 % da totalidade dos custos inicialmente contemplados no convenio sobre o total dos 17.096.754,39 €. Polo cal a achega inicial da Deputación Provincial de Pontevedra por importe de 8.548.377,19 €, determinase como achega finalista o convenio, suprimindo a obriga de financiar o 50 % das actuacións no marco da NOVA GRADA DE MARCADOR DO ESTADIO MUNICIPAL DE BALAIIDOS, aportando o Concello de Vigo a totalidade dos incrementos que se deriven da execución final deste proxecto.

A vista desta condición non será de aplicación o recollido no "pacto quinto" do convenio en relación a financiación do 50 % para financiación deste convenio.

b.- En relación as obrigas económicas, a proposta mantén as mesmas obrigas para a Deputación Provincial de Pontevedra recollidas no convenio vixente.

En relación coas obrigas económicas para o Concello de Vigo, proponse o seguinte axuste:

- O Concello de Vigo comprométese a achegar, para a execución dos investimentos previstos na cláusula segunda deste convenio en relación a execución das actuacións para a NOVA GRADA DE MARCADOR, a contía de (12.462,995,56 €) así como calquera outro gasto derivado da liquidación final dos contratos vinculados a

execución desta obra.

- *A tal fin, e para garantir a estabilidade do financiamento do convenio, a achega do Concello de Vigo será financiada con cargo os créditos da aplicación 9330.632.00.10 e de acordo coas modificacións de créditos realizadas no exercicio 2022 e incorporadas como remanentes no exercicio 2023, o cal garantira a execución das obrigas.*

| | |
|---|------------------------|
| <i>Exercicio 2020</i> | <i>2.200.000,00 €</i> |
| <i>Exercicio 2021</i> | <i>3.107.000,00 €</i> |
| <i>Exercicio 2022</i> | <i>3.000.000,00 €</i> |
| <i>Modificación de crédito 2022 (*)</i> | <i>2.100.000,00 €</i> |
| <i>Modificación de crédito 2022 grada marcador (*)</i> | <i>1.015.000,00 €</i> |
| <i>Modificación crédito 2022 previsión RDL 3/2022 (*)</i> | <i>2.125.000,00 €</i> |
| <i>Exercicio 2023</i> | <i>289.764,95 €</i> |
| <i>Total:</i> | <i>13.836.764,95 €</i> |

() Créditos incorporados como remanentes no exercicio 2023.*

TERCEIRO: *En todo o demais, o texto do convenio asinado polo Concello de Vigo e a Deputación Provincial de Pontevedra, respectivamente nas datas 24 e 31 de maio de 2021, mantense invariable, suxeitándose as partes ó seu clausurado.*

E para que así conste, e en proba de canto antecede, as partes que interveñen asinan o presente convenio na data da sinatura electrónica

O Alcalde-Presidente do Concello de Vigo

A Presidenta da Deputación de Pontevedra

Asdo. Abel Caballero Alvarez

Asdo.: M^a Carmen Silva Rego

A Secretaria do Goberno Local do Concello de Vigo O Secretario Xeral da Deputación de Pontevedra.

Asdo.: Susana Gallardo Fariña

Asdo.: Carlos Cuadrado Romay"

- *FACULTAR á presidenta para formalizar a devandita addenda mediante a súa sinatura.*
- *DARLLE TRASLADO do presente acordo ao Concello de Vigo, á Intervención, ao Servizo de Cooperación, ao Gabinete da Presidencia e ao Gabinete de Prensa."*

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por maioría, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e a abstención do Grupo Provincial do Partido Popular (7), a proposta de resolución indicada "ut supra".

6.- APROBACIÓN DO CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DO PROXECTO DE OBRA PARA A MELLORA INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA), FASE I (Expte. 2023043256)

De conformidade co establecido nos artigos 123 a 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ó Ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de acordo con carácter previo á súa elevación ante o órgano competente para a súa aprobación:

“ASUNTO: APROBACIÓN DO CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DO PROXECTO DE OBRA PARA A MELLORA INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA) FASE I

Do exame do expediente quedan acreditados os seguintes antecedentes:

– *No exercicio das súas atribucións, e ao abeiro da normativa aplicable, a Deputación Provincial de Pontevedra e o Concello de Vigo desexan establecer as pautas de colaboración para levar a cabo a “MELLORA INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA) FASE I”, co obxectivo de recuperar e mellorar o espazo urbano, adaptando o parque a uns criterios de integración no entorno urbano.*

– *Para dar cumprimento ó obxectivo referido no parágrafo anterior, en data 15/06/2023 con número de rexistro 2023013645 o Concello de Vigo presenta no Rexistro Xeral unha solicitude e demais documentación necesaria para a formalización do convenio.*

Así, o Concello de Vigo remite o proxecto do devandito investimento cun orzamento base de licitación de 1.500.000,00 €, máis IVE e, segundo o previsto na proposta de convenio, as actuacións serán financiadas pola Deputación nun 62,67%, que se compromete a achegar a contía de 940.000,00 € no exercicio 2023, comprometéndose o concello de Vigo a realizar unha achega máxima de 560.000,00 €, financiando o 37,33 % do proxecto.

– *Revisada polo Servizo de Cooperación, a documentación achegada cumpre os requisitos esixidos pola normativa aplicable para a sinatura do convenio. A estes efectos, a proposta de Convenio infórmase pola xefa do Servizo de Cooperación en data 19/06/2023 (CSV: FWJ0IRXVKGZ8UN5P) no relativo ó interese público do investimento. Así mesmo, o proxecto técnico ten o conforme dos facultativos técnicos do Servizo de Cooperación de data 19/06/2023 (CSV: 8K3WC71RY534101U), e a Intervención Provincial en data 20/06/2023 (CSV: 8Y58W3NNTASQ2ZUF) informa favorablemente o expediente, manifestando a existencia de crédito adecuado e suficiente na aplicación 2023/942.9420.762.14 do orzamento provincial.*

– *En data 22/06/2023 sométese ao ditame da Comisión Informativa de Cooperación cos Municipios, Cooperación Transfronteiriza e Cohesión Social levar a cabo a “MELLORA*

INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA) FASE I”.

FUNDAMENTOS XURÍDICOS

Lexislación aplicable

- *Lei 38/2003, de 17 de novembro, Xeral de Subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)*
- *Lei 7/1985, de 2 de abril, Reguladora das Bases do Réxime Local (LRBRL)*
- *Lei 5/1997, de 22 de xullo, reguladora da Administración Local de Galicia (LALGA)*
- *Lei 39/2015, de 1 de outubro, do Procedemento Administrativo Común das administracións públicas (LPACAP)*
- *Lei 40/2015, de 1 de outubro, do Réxime Xurídico do Sector Público (LRXSP)*
- *Lei 9/2017, de 8 de novembro, de Contratos do Sector Público, pola que se traspoñen ó ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)*
- *Lei 9/2007, de 13 de xuño, de Subvencións de Galicia (LSG)*
- *Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRXEL)*
- *Bases de execución do orzamento da Deputación para o vixente exercicio*
- *Ordenanza Xeral de Subvencións da Deputación de Pontevedra (Ordenanza Xeral)*

Consideracións Xurídicas:

Competencia:

- *Artigo 25.2.b) da LRBRL, en concordancia co artigo 80.2.d) da LALGA que atribúe ás administracións municipais a competencia en materia de medio ambiente urbano, en particular parques e xardíns públicos.*
- *Artigo 31 da LRBRL, que encomenda ás deputacións que dirixan a súa actividade a asegurar a prestación integral e adecuada dos servizos de competencia municipal, recolléndose no seu artigo 36 como competencia propia das deputacións a asistencia e cooperación económica ós concellos. A estes efectos, a Deputación asegura o acceso da poboación da provincia ó conxunto dos servizos mínimos de competencia municipal mediante calquera fórmula de asistencia e cooperación municipal, para o que poderá outorgar subvencións ou axudas con cargo ós seus recursos propios para a realización e mantemento de obras e servizos municipais.*

Petición e evacuación de informes:

- *Artigos 79 e 80 da LPACAP sobre a petición e a evacuación de informes.*
- *Artigo 88.6 da LPACAP, que sinala que a aceptación de informes ou ditames servirá de motivación á Resolución cando se incorporen ó texto da mesma.*
- *Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.*

- *Artigo 172 do ROFRXEL, que dispón que o xefe da Dependencia á que corresponda tramitar o expediente deberá emitir un informe, expoñendo os antecedentes e as disposicións legais ou regulamentarias en que funde o seu criterio.*
- *Bases 47ª e 48ª de execución do Orzamento provincial para o vixente exercicio, sobre o control e a fiscalización da xestión económica, que sinalan a competencia da Intervención para realizar esta función.*
- *Artigo 24 da LXS que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención.*

Procedencia do convenio

- *Artigo 47 e seguintes da LRXSP, que dispón que o convenios de colaboración constitúen o instrumento adecuado para desenvolver a cooperación en cuestións de interese común.*
- *Artigo 57 da LRBRL que dispón que a cooperación en servizos locais desenvolverase con carácter voluntario, baixo as formas e nos termos previstos nas leis, podendo ter lugar, en todo caso, mediante convenios administrativos, en conexión co artigo 195.h) da LALGA.*
- *Artigo 198 da LALGA, que establece que as entidades locais poderán celebrar convenios de cooperación entre si para a máis eficaz xestión e prestación de servizos da súa competencia. No seu apartado 2º dispónse que a través dos convenios de cooperación as partes poderán coordinar as súas políticas de fomento dirixidas a un mesmo sector e distribuír as subvencións outorgadas por unha delas. No apartado 3º sinalase que, en especial, as Deputacións Provinciais poderán subscribir, cos municipios da provincia, convenios para garantir o acceso da poboación ó conxunto dos servizos municipais.*
- *Artigos 199 da LALGA, que en consonancia co artigo 49 da LRXSP sinala as especificacións que deberán conter os instrumentos de formalización dos convenios.*
- *Artigo 6 da LCSP, que exclúe do seu ámbito de aplicación os convenios de colaboración que celebre a Administración Xeral do Estado coas entidades xestoras e servizos locais, organismos autónomos e restantes entidades públicas, ou os que subscriban estes organismos e entidades entre si, salvo que, pola súa natureza, teñan a consideración de contratos suxeitos a dita lei.*
- *Artigo 2 da LXS, polo que a achega económica da Deputación de Pontevedra ten o carácter dunha subvención. O artigo 22.2 da LXS sinala que se poderán conceder de forma directa as subvencións previstas nominativamente nos orzamentos das Entidades Locais, nos termos recollidos nos convenios e na normativa reguladora destas subvencións. Neste senso, a Deputación, para o desenvolvemento das actuacións que se describen no convenio, ten consignado expresamente no estado de gastos do orzamento provincial do exercicio 2023, dotación orzamentaria na aplicación 2023/942.9420.762.14 e designado como beneficiario ó concello.*
- *Artigo 28.1 da LXS que establece que a resolución de concesión e, no seu caso, os convenios a través dos cales se canalicen estas subvencións establecerán as condicións e compromisos aplicables de conformidade co disposto nesta lei.*

CONCLUSIONES

En base ás precedentes consideracións e ao interese público que representa esta actuación para a cidade de Vigo e, de modo xeral para toda a veciñanza, o Concello de Vigo e a Deputación Provincial de Pontevedra conveñen a súa cooperación co obxecto de desenvolver un réxime de colaboración entre ambas administracións locais para o financiamento e execución das obras necesarias para levar a cabo o investimento “MELLORA INTEGRAL, NOVO ARBORADO E MOBILIARIO NO PARQUE DE NAVIA (Nelson Mandela) FASE I”.

Neste senso os convenios de colaboración constitúen o instrumento idóneo para canalizar esta colaboración.

O Concello de Vigo presentou a documentación necesaria para formalizar este convenio e quedan acreditadas no expediente as razóns de oportunidade, a valoración económica das actuacións a desenvolver e o propio obxecto do convenio.

Por todo o exposto e á vista dos antecedentes e fundamentos de dereitos aplicables, INFORMO FAVORABLEMENTE a tramitación do “CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E O CONCELLO DE VIGO PARA LEVAR A CABO O PROXECTO DE MELLORA INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA) FASE I”.

RÉXIME COMPETENCIAL:

De conformidade co disposto no artigo 10.4 da LXS, que sinala que a competencia para conceder subvencións nas corporacións locais correspóndelle ós órganos que teñan atribuídas tales funcións na lexislación de réxime local, en virtude do establecido nos artigos 34 e 35 da LRBRL e na base 16ª.2 de Execución do Orzamento provincial, compételle á Xunta de Goberno a autorización e disposición do gasto, e aprobación do convenio.

Este informe non ten carácter vinculante, de feito que o órgano concedente co seu superior criterio decidirá.

Á vista dos informes da xefa do Servizo de Cooperación e da Intervención Provincial, a Xunta de Goberno ACORDA:

- APROBAR o “CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DO PROXECTO DE OBRA PARA A MELLORA INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA), FASE I” cuxo texto literalmente transcrito di como segue:*

CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA A EXECUCIÓN DO PROXECTO DE OBRA PARA A MELLORA INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA), FASE I.

En Vigo, na data da sinatura electrónica

INTERVEÑEN

Dunha parte, D^a María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34 da Lei 7/1985, de 2 de abril, reguladora das bases do réxime local, e o artigo 105 da Lei 5/1997, de 22 de xullo, de administración local de Galicia.

Doutra, D. Abel Caballero Álvarez, quen actúa no nome e representación do Concello de Vigo, en virtude da súa condición de Alcalde-Presidente da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de administración local de Galicia e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúan D. Carlos Cuadrado Romay, en calidade de secretario xeral da Deputación de Pontevedra, e D^a Susana Gallardo Fariña, en calidade de secretaria do Goberno Local do Concello de Vigo, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

EXPOÑEN

I.- *A Deputación de Pontevedra e o Concello de Vigo comparten como criterio que os concellos, como administración democraticamente escollida, deben ser os axentes protagonistas e os eidos administrativos aos que ten que corresponder a decisión, o deseño e o impulso da acción local e do desenvolvemento das políticas locais; ao tempo que, as deputacións, deben actuar como institucións que desenvolvan políticas, plans e actuacións que faciliten que concellos e cidadáns poidan acadaren os mesmos dereitos e servizos.*

II.- *A Deputación Provincial de Pontevedra contempla nos orzamentos unha aplicación orzamentaria, no capítulo de transferencias de capital créditos para o establecemento dos correspondentes convenios de colaboración cos Concellos e concretamente co Concello de Vigo para o desenvolvemento das actuacións obxecto deste expediente.*

III.- *O Concello de Vigo, continuando as amplas intervencións realizadas nos últimos anos para o desenvolvemento dun proxecto transversal de humanización da cidade, ven de aprobar un novo proxecto para a MELLORA INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA), FASE I, que ten por obxecto a recuperación e mellora do espazo urbano, adaptando o parque a uns criterios de integración no entorno urbano no que encontrarse.*

IV.- *Que o artigo 25.2.d) da Lei 7/1985, de 2 de abril, reguladora das bases do réxime local atribúe ás Administracións Municipais a competencia en materia de infraestrutura viaria e outros equipamentos da súa titularidade.*

Por outra banda, o art. 36.1) da Lei 7/1985, de 2 de abril, reguladora das bases do réxime local encomenda ás deputacións o aseguramento da prestación integral e adecuada dos servizos de competencia municipal; competencia en relación coa cal a Deputación Provincial de Pontevedra ten previsto na súa planificación a mellora á transformación sostible da infraestrutura viaria dos concellos da provincia.

V.- Que os convenios entre as Administracións Públicas constitúen o instrumento axeitado para desenvolveren a súa cooperación en cuestións de interese común, tal como establecen os artigos 47 e seguintes da Lei 40/2015, do 1 de outubro, do réxime xurídico do sector público, o artigo 57 da Lei 7/1985, de 2 de abril, reguladora das bases do réxime local, os artigos 198 e seguintes da Lei 5/1997, de 22 de xullo, de administración local de Galicia, así como co disposto nos artigos 28.1 da Lei 38/2003, de 17 de novembro, xeral de subvencións, e 26.1 da Lei 9/2007, de 13 de xuño, de subvencións de Galicia.

VI.- Que, de acordo coas precedentes consideracións e en desenvolvemento da colaboración entre ámbalas dúas administracións, que contemplan como un dos seus obxectivos estratéxicos a consolidación dunha rede de infraestruturas integradoras, accesibles e abertas para o desfrute dos veciños, o Concello de Vigo e a Deputación de Pontevedra acordan aprobar o presente convenio de colaboración, que asinan agora os aquí comparecentes, con arranxo aos seguintes:

PACTOS

PRIMEIRO.- OBXECTO DO CONVENIO

*1- É obxecto deste convenio, establecer as pautas de colaboración entre o Concello de Vigo e a Deputación Provincial de Pontevedra para desenvolver e cofinanciar o proxecto para a **MELLORA INTEGRAL, NOVO ARBORADO E MOBILIARIO NO PARQUE DE NAVIA (NELSON MANDELA)**, FASE I, de acordo coas actuacións que se propoñen no proxecto aprobado pola Xunta de Goberno Local do Concello de Vigo en data 18/11/2022 e redactado pola Enxeñeira de Camiños, Canles e Portos, Dña. M^a Trinidad López Rodríguez, e asinado dixitalmente en data 9 de novembro de 2022.*

SEGUNDO.- IMPORTE E FINANCIAMENTO

*O importe ao que se refire o presente convenio ascende á cantidade de **UN MILLÓN CINCOCENTOS MIL EUROS (1.500.000,00€)**, incluíndo os gastos asociados á obra en relación as asistencias técnicas sobre a coordinación de seguridade e saúde, dirección da obra ou asistencia á dirección, e serán asumidas entre ambas administración de acordo cos seguintes importes:*

*A Deputación Provincial de Pontevedra comprométese a achegar, para a execución dos investimentos previstos no obxecto deste convenio, a contía de **“NOVECIENTOS CORENTA MIL EUROS (940.000,00 euros)**, que terá carácter finalista para a execución da obra.*

O financiamento comprometido pola Deputación Provincial de Pontevedra terá carácter de achega definitiva e integra para á execución do convenio.

O pagamento do importe referido á anualidade 2023 se realizará con cargo á aplicación 942.9420.762.14 destinada ao financiamento dos convenios cos concellos de Vigo e Pontevedra.

Pola súa banda, o Concello de Vigo obrígase a achegar ate un máximo de **CINCOCENTOS SESENTA MIL EUROS (560.000,00 euros)**. A tal fin, e para garantir a estabilidade do financiamento do convenio, a achega do Concello de Vigo será financiada con cargo os créditos da aplicación orzamentaria do ano 2023 1710.619.00.63 MELLORA ACONDICIONAMENTO PARQUE NAVIA 1ª ANUALIDADE.

TERCEIRO.- EXECUCIÓN DO CONVENIO

1.- A execución das actuacións e dos contratos a que o presente convenio se refire e o seu financiamento polas partes asinantes terá lugar durante o ano 2023, de acordo coas obrigas de financiamento indicadas no pacto segundo e descritas no anexo económico deste convenio se corresponden cos seguintes compromisos globais de forma anual:

| | Exercicio 2023 |
|--------------------------|-----------------------|
| Deputación de Pontevedra | 940.000,00 € |
| Concello de Vigo | 560.000,00 € |
| TOTAL CONVENIO | 1.500.000,00 € |

Non obstante, o eventual reaxuste das anualidades da execución dos ditos contratos, poderá dar lugar ao reaxuste das anualidades do presente convenio, a cuxo efecto o Concello de Vigo, previa proposta da Comisión de Seguimento do convenio, dará audiencia á Deputación Provincial no expediente que se inicie para o reaxuste das anualidades.

2.- O Concello de Vigo comprométese a comunicarlle a Deputación Provincial de Pontevedra cada un dos proxectos de execución vinculados ao obxecto deste convenio, para o cal lle remitirá copia completa do proxecto unha vez se atope aprobado pola Xunta de Goberno Local.

3.- Licitados e formalizados os contratos das obras para a execución do investimento aos que se refire o pacto primeiro, remitirase copia dos mesmos á Deputación Provincial e comunicarse a esta, data e hora en que terá lugar a comprobación do replanteo, á que asistirá, de consideralo procedente a Corporación provincial, un representante desta. A copia da acta que se levante será remitida á Deputación Provincial coa primeira certificación de obra que expida o director da mesma.

4.- O Concello de Vigo comunicará á Deputación Provincial a data e hora en que terá lugar, o acto de recepción das obras obxecto do convenio, ao que asistirá, de consideralo procedente a Corporación provincial, un representante ou facultativo desta. A Administración municipal remitirá á provincial copia das acta dos actos de recepción e certificación da resolución do órgano competente aprobatoria da recepción das obras executadas e das certificacións finais das mesmas.

5.- Formalizado, de selo caso, o contrato, ou contratos, de servizos para a contratación de asistencia técnica á dirección das obras e a Coordinación de seguridade e Saúde, remitirase

copia dos mesmos á Deputación Provincial así como dos abonos a conta que en execución dos mesmos se poidan producir.

6.- A Deputación Provincial poderá inspeccionar a execución das obras obxecto do presente convenio e as actuacións realizadas no marco do mesmo cando o teña por convinte, así como formular as observacións que estime pertinentes, sen prexuízo de que corresponda en exclusiva ao órgano de contratación e aos responsables dos respectivos contratos a emisión das ordes e instrucións que procedan.

CUARTO.- XUSTIFICACIÓN E PAGAMENTO

O Concello de Vigo asume a licitación, dirección, execución e recepción das obras contempladas na memoria técnica e no proxecto aprobado, e a súa xustificación perante a Deputación de Pontevedra.

O Concello de Vigo poderá realizar xustificacións parciais, que responderán ao ritmo de execución das obras, que se aboarán pola contía equivalente á/s xustificación/s presentada/s.

O importe correspondente á/s xustificación/s achegada/s, será reembolsado ao Concello mediante transferencia bancaria, unha vez que conste na Deputación a seguinte documentación:

- *Contrato de adxudicación da obra.*
- *Acta de comprobación do replanteo.*
- *Orixinal ou copias compulsadas da/s factura/s expedida/s pola empresa adxudicataria dos traballos realizados.*
- *Certificación/s de obra executada. Xunto coa primeira certificación se remitirá unha proba gráfica da difusión dada ao investimento que se financia coa axuda da Deputación.*
- *Certificacións ou actos de aprobación/conformidade dos gastos polo órgano municipal.*
- *Nomeamento do Director de obra e coordinador de seguridade e saúde.*

Así mesmo coa finalización das obras para a liquidación final das actuacións deberá ser aportada a seguinte documentación:

- *Acta de recepción, unha vez rematado o investimento.*
- *Declaración do conxunto de axudas solicitadas, tanto as aprobadas ou concedidas como as pendentes de resolución, para a actividade obxecto deste convenio, das distintas administracións públicas competentes ou calquera dos seus organismos, entes ou sociedades.*
- *Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.*

A/s certificación/s de obra, facturas ou documentos análogos acreditativos do gasto, e o resto da documentación xustificativa, serán verificadas polos servizos técnicos provinciais e fiscalizadas pola Intervención provincial antes de ser aprobadas e pagadas.

Así mesmo, as actuacións realizadas estarán sometidas á comprobación explícita da execución das obras por parte dos servizos técnicos da Deputación Provincial.

A comprobación material do investimento que se define no parágrafo anterior é un requisito imprescindible do que debe quedar constancia no expediente xustificativo.

QUINTO.- MODIFICACIÓNS DOS PROXECTOS E ACTUACIÓN VINCULADAS AO CONVENIO

As partes asinantes do convenio, comprométese á estabilidade do financiamento comprometido en base á contratación dos proxectos dos investimentos obxecto deste convenio en base as obrigas económicas das partes.

O importe das baixas poderá destinarse ao financiamento de modificados e posibles excesos de medición do mesmo.

A achega da Deputación Provincial ten carácter finalista na súa totalidade e o Concello de Vigo de ser necesario asumirá a totalidade dos incrementos que se deriven da execución final do proxecto que superen o importe determinado neste convenio.

SEXTO.- COMPROMISOS DAS PARTES

O Concello de Vigo obrígase a:

- Financiar a execución das obras obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto nos pactos segundo e terceiro. A tal fin dotará os recursos necesarios, na aplicación correspondente, para o financiamento da actuación prevista na memoria e no proxecto técnico, sempre que a execución final sexa superior o importe da achega da Deputación Provincial, asumindo de ser o caso a totalidade dos incrementos que se deriven da execución final do proxecto que superen o importe determinado neste convenio.*
- Licitación o proxecto que conforma a actuación obxecto deste convenio.*
- Executar, controlar e recibir as obras consonte ao correspondente proxecto técnico.*
- Contratar, de selo caso, as asistencias técnicas á dirección de obra e coordinación de seguridade e saúde.*
- Obter as correspondentes licenzas e tramitar ante outros organismos as autorizacións pertinentes que fosen precisas.*
- Dar a adecuada publicidade a este convenio, de tal xeito de que quede constancia de que a obra obxecto do mesmo se levou a cabo en colaboración coa Deputación de Pontevedra.*
- Levar a cabo o mantemento e conservación da infraestrutura obxecto deste convenio, tendo a asunción da dita responsabilidade desde o día seguinte ao da formalización*

da acta de recepción de obra coas obrigas establecidas na normativa patrimonial das administracións públicas.

- *Destinar os fondos percibidos ao obxecto concreto para o que foron concedidos.*
- *Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.*
- *Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.*

Asemade, o Concello de Vigo comprométese ao cumprimento das obrigas contidas na Lei 9/2007, do 13 de xuño, de subvencións de Galicia, e en especial as recollidas no artigo 11 da mesma. Tamén seralle de aplicación o recollido na Lei 38/2003, de 17 de novembro, xeral de subvencións e no seu Regulamento, aprobado polo Real Decreto 887/2006, de 21 de xullo, e Ordenanza Xeral de Subvencións da Deputación de Pontevedra.

A Deputación de Pontevedra comprométese a:

- a) Financiar a execución das obras obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto nos pactos segundo e terceiro. A tal fin disporá dos recursos indicados co carácter de achega completa e finalista para a execución do proxecto obxecto do convenio.*
- b) Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de Contas e ao Consello de Contas.*

SÉTIMO.- PUBLICIDADE

En toda a documentación e información relativas ao obxecto deste convenio incluírase a imaxe corporativa que a este fin faciliten, en todos os formatos, a Deputación Provincial de Pontevedra e o Concello de Vigo, e nelas figurará de maneira destacada o financiamento da actuación por ambas administracións.

En todo caso as accións a desenvolver ao abeiro do convenio, deberán garantir un alto impacto e visibilidade da colaboración entre o Concello de Vigo e a Deputación Provincial de Pontevedra.

Por outra parte, en cumprimento do establecido na resolución de 15 de xuño de 2020, da Intervención Xeral da Administración do Estado, pola que se regula o proceso de rexistro e publicación de convocatorias de subvencións e axudas públicas, e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento de cara a contribuír aos principios de publicidade e transparencia, se deberá publicar a achega concedida na BDNS e na WEB da

Deputación Provincial de Pontevedra, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.

O convenio que nos ocupa, pola súa contía, deberá ser remitido ao Tribunal de Contas e ao Consello de Contas.

OITAVO.- CONFIDENCIALIDADE E PROTECCIÓN DE DATOS

As partes comprométense ao intercambio de datos e información técnica para o cumprimento efectivo de todos s termos deste convenio coas garantías de confidencialidade que en cada caso se requiran e permanecerá exclusivamente no ámbito da relación das partes e do persoal técnico que colabore nas actividades, obrigándose a mantelo en réxime de confidencialidade por prazo indefinido e con independencia da duración do convenio.

Toda a información e documentación intercambiada no marco do convenio será propiedade das respectivas partes.

As actuacións obxecto deste convenio que impliquen o tratamento de datos de carácter persoal deberán respectar na súa integridade a normativa reguladora de protección de datos de carácter persoal.

NOVENO.- COMPATIBILIDADE CON OUTRAS SUBVENCÍONS

A achega económica prevista no presente instrumento, que ten carácter de subvención, será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da contratación subvencionada, para o cal de ser o caso se procederá a minorar proporcionalmente as cantidades a aportar por cada administración en relación ao importe adxudicado.

DÉCIMO.- COMISIÓN DE SEGUIMIENTO

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por tres representantes de cada unha das Administracións asinantes, un dos cales terá carácter técnico.

Corresponderá á Comisión de Seguimento:

- A puntual recepción de información sobre tódalas actuacións que se produzan na execución dos contratos a que este convenio se refire.*
- A coordinación entre as administracións asinantes na execución e financiamento do convenio, ditando ao efecto as instrucións oportunas.*

- *A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das administracións asinantes.*
- *A emisión de informe en relación coa necesidade do reaxuste da anualidade do convenio e en relación con cantas incidencias se produzan na execución do contrato a que este se refire.*
- *A formulación das propostas que procedan en relación ás cuestións a que os seus informes se refiran.*

A Comisión de Seguimento reunirse cando o estime convinte o seu responsable, por decisión propia ou a petición de calquera dos seus membros. As súas reunións terán lugar na Casa do Concello de Vigo ou na Deputación de Pontevedra, segundo acorden as partes.

Na súa reunión constituínte designarase ao responsable da mesma e ao seu secretario, que levantará acta das súas reunións.

DÉCIMO PRIMEIRO.- PRAZOS DE EXECUCIÓN, XUSTIFICACIÓN E VIXENCIADO CONVENIO

Os investimentos obxecto deste Convenio deberán estar executados, finalizados e xustificados na data límite do 31/12/2024.

No caso de imposibilidade de remate das obras ou xustificación nos prazos referidos, as partes poderán acordar a ampliación dos mesmos ata o 30/06/2025.

O presente convenio producirá os seus efectos desde a data da súa sinatura ata a total execución dos contratos aos que o mesmo se refire, ou vencemento do prazo máximo inicial ou prorrogado previsto neste Convenio.

DÉCIMO SEGUNDO.- EXTINCIÓN DO CONVENIO

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- 1º.- O transcurso do prazo máximo de vixencia do convenio.*
- 2º.- O acordo unánime dos asinantes.*
- 3º.- O incumprimento das obrigas e compromisos asumidos por parte dalgún dos asinantes.*

Neste caso, notificarase á parte incumpridora un requirimento para que, no prazo que se sinale, cumpra coas obrigacións ou compromisos que se consideran incumpridos. Este requirimento será comunicado tamén ao responsable da Comisión de Seguimento.

Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos prexuízos causados.

- 4º.- Por decisión xudicial declaratoria da nulidade do convenio.*

5º.- *Por calquera outra causa distinta das anteriores prevista no convenio ou noutras leis.*

DÉCIMO TERCEIRO- RÉXIME XURÍDICO

O presente convenio ten natureza administrativa e rexeráse pola Lei 38/2003, de 17 de novembro, xeral de subvencións e o Real Decreto 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do Real Decreto 887/2006; polos pactos que se conteñen neste convenio; as Bases de Execución dos orzamentos das Administracións asinantes; a Ordenanza Xeral de Subvencións da Deputación Provincial e as restantes normas de dereito administrativo, e no seu defecto, as normas de dereito privado.

O Concello de Vigo e a Deputación Provincial de Pontevedra comprométese a resolver de maneira amigable calquera desacordo que poida xurdir no desenvolvemento deste convenio. Con todo, e no caso de aparición de discrepancias que non puideran resolverse a través da Comisión de Seguimento, será competente a Xurisdición Contencioso-Administrativa.

E en proba de canto antecede, as partes que interveñen asinan o presente convenio por duplicado e a un só efecto no lugar e na data sinalados no seu encabezamento.

O Alcalde-Presidente do Concello de Vigo

A Presidenta da Deputación de Pontevedra

Asdo.: Abel Caballero Álvarez

Asdo.: M^a Carmen Silva Rego

*A Secretaria do Goberno Local do Concello
de Vigo*

*O Secretario Xeral da Deputación de
Pontevedra*

Asdo.: Susana Gallardo Fariña

Asdo.: Carlos Cuadrado Romay

- FACULTAR á presidenta para formalizar o devandito convenio mediante a súa sinatura.*
- DARLLE TRASLADO do presente acordo ao Concello de Vigo, á Intervención, ao Servizo de Cooperación, ao Gabinete da Presidencia e ao Gabinete de Prensa. ”*

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por maioría, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e a abstención do Grupo Provincial do Partido Popular (7), a proposta de resolución indicada “ut supra”.

7.- APROBACIÓN DO CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA O DESENVOLVEMENTO DA GRAN FINAL DAS SERIES MUNDIAIS DE TRIÁTLON PONTEVEDRA 2023 (Expte. 2023043254)

De conformidade co establecido nos artigos 123 a 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ó Ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de acordo con carácter previo á súa elevación ante o órgano competente para a súa aprobación:

“ASUNTO: APROBACIÓN DO CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA O DESENVOLVEMENTO DA GRAN FINAL DAS SERIES MUNDIAIS DE TRIÁTLON PONTEVEDRA 2023

ANTECEDENTES

- *A Deputación Provincial de Pontevedra e o Concello de Pontevedra, no exercicio das súas respectivas competencias, en orde a afondar na colaboración administrativa entre ambas institucións, desenvolven accións de cooperación na planificación e execución de proxectos e actuacións de ámbito cultural e deportivo.*
- *Co fin de colaborar no desenvolvemento da Gran Final das Series Mundiais de Tríatlón que terá lugar na cidade de Pontevedra entre os días 20 e 24 de setembro, ambas entidades locais elaboraron conxuntamente unha proposta de convenio de colaboración, por entender que se trata dun gran apoio ás iniciativas de promoción do deporte e a posta en valor dos recursos turísticos.*
- *O concello de Pontevedra presentou o día 15/06/2023 no Rexistro da Deputación (núm. Rexistros WEB2023038250 e WEB2023038323), emendada na data 16/06/2023 (núm. Rexistro WEB2023038584), a solicitude e demais documentación necesaria para a formalización do convenio.*
- *Revisada polo Servizo de Cooperación a documentación achegada, esta cumpre os requisitos esixidos pola normativa aplicable para a sinatura do convenio.*
- *O orzamento total do convenio deportivo é de 500.000,00 €. A achega á que se obriga a Deputación Provincial de Pontevedra é do 100% do orzamento do convenio, contra a aplicación orzamentaria 2023/942.9420.462.14.*
- *Na documentación do expediente, no xestor de CIVIDAS, consta a providencia de inicio de expediente de 19/06/2023, o informe da xefa do Servizo de Cooperación sobre o interese público da actuación de 20/06/2023 e o informe de Intervención de fiscalización favorable do expediente de 20/06/2023.*

Así mesmo, sométese ao ditame da Comisión Informativa de Cooperación cos Municipios, Cooperación Transfronteiriza e Cohesión Social de data 22/06/2023.

FUNDAMENTOS DE DEREITO

Réxime xurídico

- *Lei 38/2003, de 17 de novembro, xeral de subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)*
- *Lei 7/1985, de 2 de abril, reguladora das bases do réxime local (LRBRL)*
- *Lei 5/1997, de 22 de xullo, reguladora da administración local de Galicia (LALGA)*
- *Lei 39/2015, de 1 de outubro, do procedemento administrativo común das administracións públicas (LPACAP)*
- *Lei 40/2015, de 1 de outubro, de réxime xurídico do sector público (LRXSP)*
- *Lei 9/2007, de 13 de xuño, de subvencións de Galicia (LSG)*
- *Lei 19/2013, de 9 de decembro de transparencia, acceso á información pública e bo goberno.*
- *Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014*
- *Lei 3/2012, de 2 de abril, do deporte de Galicia (LSG).*
- *Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)*
- *Real Decreto Legislativo 2/2004, de 5 de marzo, polo que se aproba o texto refundido da Lei reguladora das Facendas Locais (TRLRFL)*
- *Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO núm. 249, do 30 de decembro de 2016 (OXS)*
- *Bases de execución do vixente orzamento da Deputación*

Consideracións xurídicas

Petición e evacuación de informes

- *Artigos 79 e 80 da LPACAP, sobre a petición e a evacuación de informes.*
- *Artigo 88.6 da LPACAP, que sinala que a aceptación de informes ou ditames servirá de motivación á resolución cando se incorporen ao texto da mesma.*
- *Artigo 213 e ss. do TRLRFL, sobre o control e a fiscalización da xestión económica que lle corresponde realizar á Intervención.*
- *Artigo 172 do ROFRXEL, que dispón que o xefe da Dependencia á que corresponda tramitar o expediente deberá emitir un informe, expoñendo os antecedentes e as disposicións legais ou regulamentarias en que funde o seu criterio.*
- *Bases 47ª e 48ª de execución do Orzamento provincial vixente, sobre o control e a fiscalización da xestión económica, que sinalan a competencia da Intervención para realizar esta función.*
- *Artigo 24 da LXS, que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención.*

Procedencia do convenio

- *Artigo 47 e ss. da LRXSP, que dispoñen que os convenios de colaboración constitúen o instrumento adecuado para desenvolver a cooperación en cuestións de interese común.*
- *Artigo 57 da LRBRL, que dispón que a cooperación en servizos locais desenvolverase con carácter voluntario, baixo as formas e nos termos previstos nas leis, podendo ter lugar, en todo caso, mediante convenios administrativos, en conexión co artigo 195.h) da LALGA.*
- *Artigo 198 da LALGA, que establece que as entidades locais poderán celebrar convenios de cooperación entre si para a máis eficaz xestión e prestación de servizos da súa competencia. No seu apartado 2º dispónse que a través dos convenios de cooperación as partes poderán coordinar as súas políticas de fomento dirixidas a un mesmo sector e distribuír as subvencións outorgadas por unha delas; ademais, o apartado 3º sinala que, en especial, as Deputacións Provinciais poderán subscribir, cos municipios da provincia, convenios para garantir o acceso da poboación ao conxunto dos servizos municipais.*
- *Artigo 199 da LALGA, que, en consonancia co artigo 49 da LRXSP, sinala as especificacións que deberán conter os instrumentos de formalización dos convenios.*
- *Artigo 6 da LCSP, que exclúe do seu ámbito de aplicación os convenios, cuxo contido non estea comprendido no dos contratos regulados nesta Lei ou en normas administrativas especiais celebrados entre si pola Administración Xeral do Estado, as entidades xestoras e os servizos comúns da Seguridade Social, as Universidades Públicas, as Comunidades Autónomas e as Cidades Autónomas de Ceuta e Melilla, as entidades locais, as entidades con personalidade xurídico pública delas dependentes e as entidades con personalidade xurídica privada, sempre que, neste último caso, teñan a condición de poder adxudicador.*
- *Artigo 2 da LXS, polo que a achega económica da Deputación de Pontevedra ten o carácter dunha subvención. O artigo 22.2 da LXS sinala que se poderán conceder, con carácter excepcional, de forma directa subvencións nas que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública.*
- *Artigo 28.1 da LXS, que establece que a resolución de concesión e, no seu caso, os convenios a través dos cales se canalicen estas subvencións establecerán as condicións e compromisos aplicables de conformidade co disposto nesta Lei.*

Competencia das administracións

- *Artigo 25.2.l) da LRBRL, que, en concordancia co artigo 80.2.n) da LALGA, atribúe, entre outras, ás administracións municipais a competencia en materia de promoción do deporte e instalacións deportivas e de ocupación do tempo libre.*
- *Artigo 31 da LRBRL, que encomenda ás deputacións que dirixan a súa actividade a asegurar a prestación integral e adecuada dos servizos de competencia municipal, recolléndose no seu artigo 36 como competencia propia das deputacións a asistencia e cooperación económica aos concellos. A estes efectos, a Deputación asegura o acceso da poboación da provincia ao conxunto dos servizos mínimos de competencia municipal mediante calquera fórmula de asistencia e cooperación municipal, para o que poderá outorgar subvencións ou axudas con cargo as seus recursos propios para a realización e mantemento de obras e servizos municipais.*

- *Artigo 109 da LALGA, que atribúe ás deputacións competencias en xeral no fomento e administración dos intereses peculiares da provincia, de xeito que cabe subsumir nas ditas materias, formas específicas de cooperación económica como a concesión de subvencións recollida no art. 114.c) da LALGA.*

Competencia para resolver

- *Artigo 8.2 da OXS, que en virtude do establecido na base 16.2 das Bases de execución do orzamento provincial, e de conformidade co disposto nos artigos 35 da LRBRL e 10 da LXS, atribúe a competencia para resolver á Xunta de Goberno.*

CONCLUSIÓNS

En base ás precedentes consideracións e ao interese público que representa esta actuación, a Deputación e o Concello de Pontevedra conveñen a súa colaboración neste ámbito, para desenvolver un réxime de colaboración entre ambas administracións locais para o desenvolvemento da gran final das series mundiais de Tríatlon Pontevedra 2023.

Neste senso os convenios de colaboración constitúen o instrumento idóneo para canalizar esta colaboración.

O Concello de Pontevedra presentou a documentación necesaria para formalizar este convenio e quedan acreditadas no expediente as razóns de oportunidade, a valoración económica das actuacións a desenvolver e o propio obxecto do convenio.

Por todo o exposto, e tendo en conta os antecedentes e fundamentos de dereito aplicables, INFORMO FAVORABLEMENTE a tramitación do dito convenio de colaboración entre ambas administracións.

Este informe non ten carácter vinculante, de feito que o órgano concedente co seu superior criterio decidirá.

Á vista dos informes da xefa do Servizo de Cooperación e da Intervención Provincial, a Xunta de Goberno ACORDA:

- *APROBAR o “CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA O DESENVOLVEMENTO DA GRAN FINAL DAS SERIES MUNDIAIS DE TRÍATLON PONTEVEDRA 2023 “ cuxo texto literalmente transcrito di como segue:*

“CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA O DESENVOLVEMENTO DA GRAN FINAL DAS SERIES MUNDIAIS DE TRÍATLON PONTEVEDRA 2023

En Pontevedra, na data da sinatura electrónica

INTERVEÑEN

Dunha parte, dona María del Carmen Silva Rego, presidenta da Deputación Provincial de Pontevedra, na representación legal que da mesma lle atribúe o artigo 34.1.b) da Lei 7/1985, de 2 de abril, reguladora das bases de réxime local (LRBRL).

Doutra, don Miguel Anxo Fernández Lores, alcalde-presidente do Concello de Pontevedra, na representación legal que do mesmo lle atribúe o artigo 124.4.a) do mesmo texto legal.

E actuando don Carlos Cuadrado Romay, en calidade de secretario xeral da Deputación Provincial de Pontevedra, e don José Carlos Castiñeira Piñeiro en calidade de secretario do Concello de Pontevedra, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, de común acordo,

EXPOÑEN

I. Que a Deputación e o Concello de Pontevedra comparten como criterio que os concellos, como administración democraticamente escollida, deben ser os axentes protagonistas nos eidos administrativos aos que ten que corresponder a decisión, o deseño e o impulso da acción local e do desenvolvemento das políticas locais; ao tempo que as deputacións deben actuar como institucións que desenvolvan políticas, plan e actuacións que faciliten que concellos e cidadanía poidan acadar os mesmos dereitos e servizos.

II. Que a tales efectos, a Deputación e o Concello de Pontevedra veñen coordinando as súas competencias mediante a sinatura de protocolos e convenios de colaboración para afondar na cooperación administrativa entrámbalas institucións e, particularmente, na cooperación destinada á planificación e execución de accións de desenvolvemento do deporte, a cultura e a promoción turística.

III. Que a Deputación de Pontevedra e o Concello de Pontevedra, en base aos principios de colaboración, cooperación e asistencia entre as diferentes Administracións Públicas no exercicio das súas competencias e en asuntos de interese común que se recollen na Lei 40/2015, de 1 de outubro, de réxime xurídico do sector público (LRXSP), deciden potenciar a consolidación do deporte como un elemento integrador e a posta en valor dos recursos turísticos e culturais do municipio e da súa contorna, posibilitando a consolidación de importantes eventos deportivos na provincia.

A finalidade deste acto é establecer unha cooperación destinada a conseguir un obxectivo de claro interese público e común, consistente na celebración do destacado evento deportivo Gran Final das Series Mundiais de Tríatlon Pontevedra 2023.

A Serie do Campionato Mundial de Tríatlon (World Triathlon Championship Series) é unha serie de carreiras icónica para coroar aos Campións Mundiais de tríatlon masculino e feminino. Tal e como se define pola World Triathlon, a Gran Final das Series Mundiais é a “xoia da coroa” do calendario anual do tríatlon mundial e a carreira máis prestixiosa deste deporte, polo que este campionato será probablemente o maior evento deportivo celebrado en Galicia nos últimos 20 anos, sendo as anfitriñas anteriores cidades como Londres, Budapest, Beijing, Auckland, Chicago, Lausana e Abu Dhabi.

Este prestixioso evento reunirá, durante mais dunha semana, a máis de 4.000 participantes de todas as nacionalidades, que encherán Pontevedra e a súa provincia dos mellores deportistas do mundo na modalidade de tríatlon en cada unha das súas categorías; xunto con persoal da organización, representantes federativos, medios de comunicación, publico estranxeiro,

acompañantes, etc, atraerán ás Rías Baixas a mais de 10.000 visitantes, prevéndose ademais que máis de 50 canles de televisión nacionais e internacionais de 20 países distintos sigan esta competición, o que garante máis de 200 horas de emisión televisiva que terán a Pontevedra como escaparate.

Esta alta participación e difusión supón un impacto económico directo, para Pontevedra e a súa comarca, de máis de dez millóns de euros, e unha divulgación dos recursos turísticos e culturais de Galicia e, en particular, da Provincia e do Concello de Pontevedra extraordinarios.

Tendo en conta a gran importancia que un evento deportivo desta magnitude ten para a cidade de Pontevedra e para todas as Rías Baixas nos eidos da promoción do deporte e da cultura, e na dinamización económica e turística da provincia, as entidades públicas con competencia na materia amosan, coa sinatura deste pacto o seu apoio á Gran Final das Series Mundiais, para aproveitar a oportunidade dun acontecemento deportivo destas características e procurar que a imaxe da cidade e da provincia de Pontevedra sexa a mellor posible a todos os niveis: organizativo, de acollida, cultural, deportivo, turístico e económico.

De conformidade coa normativa propia desta proba, a titular do evento, xa que se trata dunha competición deportiva oficial de carácter internacional, corresponde á Federación Internacional de Tríatlon (WT) que, coa designación de Pontevedra como sede, nomeou á súa federación nacional integrante, a Federación Española de Tríatlon (FETRI), como órgano xestor do evento, delegando nela a organización do campionato.

Ao tratarse dun evento do máis alto nivel, que require unha fundamental coordinación cos estamentos públicos (Comunidade Autónoma, Deputación Provincial e Concello), constituíuse un Comité Organizador no que se integrasen as institucións deportivas e as Administracións Públicas: Federación Internacional de Tríatlon, Federación Española de Tríatlon, Federación Galega de Tríatlon, Secretaría Xeral para o Deporte da Xunta de Galicia, Deputación Provincial de Pontevedra, Concello de Pontevedra e Consejo Superior de Deportes. A Presidencia deste Comité Organizador corresponde á persoa titular da alcaldía de Pontevedra, por seren este cargo o que ostenta a representación da cidade sede do evento.

IV. Que o artigo 36.1.d) da Lei 7/1985, de 2 de abril, reguladora das bases do réxime local, atribúe ás deputacións competencia en materia da cooperación no fomento do desenvolvemento económico e social, de acordo coas competencias das demais Administracións Públicas neste ámbito. Asemade, o artigo 109.1.b) da Lei 5/1997, de 22 de xullo, de administración local de Galicia, atribúe como competencia propia a prestación da asistencia e cooperación xurídica, económica e técnica aos municipios. A estes efectos, segundo o artigo 114.c) da mesma lei, a asistencia económica poderá revestir a forma de subvencións a fondo perdido.

V. Que os artigos 25.1 e 25.2.h), l) e m) da Lei 7/1985, de 2 de abril, reguladora das bases de réxime local e 80.1 e 80.2.n) da Lei 5/1997, do 22 de xullo, de administración local de Galicia establecen que o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos establecidos neste artigo, exercendo en todo caso como competencias propias e esenciais, nos termos da lexislación do Estado e das Comunidades Autónomas, nas materias de promoción da actividade turística, promoción do deporte, da ocupación do tempo libre e da cultura. No mesmo senso, o artigo 8 da Lei 3/2012, de 2 de abril, do deporte de Galicia establece como

competencia dos concellos, entre outras, a de fomentar, promover e difundir o deporte e realizar calquera actuación que redunde en beneficio do desenvolvemento deportivo local. Pola súa parte, o artigo 7 da citada Lei 3/2012, de 2 de abril, atribúelle ás deputacións no seu ámbito territorial competencias no fomento, difusión e promoción do deporte, de asistencia aos municipios no desenvolvemento da práctica deportiva e calquera outra actuación que redunde en beneficio do desenvolvemento deportivo local, comarcal ou provincial.

Por outra banda, cómpre subliñar que o fomento da educación física e o deporte e a promoción da adecuada utilización do ocio é unha competencia concorrente de todas as administracións e unha obriga dos poderes públicos, segundo se desprende do artigo 43 da Constitución Española de 1978.

VI. Que a Deputación, nos orzamentos do ano 2023, recolle unha aplicación orzamentaria para convenios co Concello de Pontevedra.

VII. Que os convenios entre Administracións Públicas constitúen o instrumento axeitado para desenvolver a súa cooperación en cuestións de interese común, tal como establecen os artigos 47 e seguintes da Lei 40/2015, de 1 de outubro, do réxime xurídico do sector público; o artigo 57 da LRBRL; os artigos 198 e seguintes da Lei 5/1997, de 22 de xullo, de administración local de Galicia; así como no disposto nos artigos 28.1 da Lei 38/2003, de 17 de novembro, xeral de subvencións, e 26.1 da Lei 9/2007, de 13 de xuño, de subvencións de Galicia.

VIII. Que a achega económica da Deputación de Pontevedra ten o carácter dunha subvención, en virtude do disposto no artigo 2 da Lei 38/2003, de 17 de novembro, Xeral de Subvencións (LXS), séndolle de aplicación o réxime xurídico das subvencións. Neste senso, á vista do artigo 22.2 acredítanse na memoria do expediente razóns de interese público, social e económico suficientes que xustifican a súa concesión, tanto de natureza competencial como pola necesidade de apoiar e complementar a capacidade económica do concello e polo interese provincial das actuacións. Así mesmo, no artigo 28.1 da LXS establécese que a resolución de concesión e, no seu caso, os convenios a través dos cales se canalicen estas subvencións establecerán as condicións e compromisos aplicables de conformidade co disposto nesta lei.

IX. Que, de acordo coas precedentes consideracións e en desenvolvemento dos principios de colaboración e cooperación, a Deputación de Pontevedra e o Concello de Pontevedra establecen como un dos seus obxectivos estratéxicos a actuación coordinada de apoio en materia de fomento deportivo, cultural e de ocio e de promoción turística e económica acordan aprobar o presente convenio de colaboración para o desenvolvemento da Gran Final das Series Mundiais de Tríatlón Pontevedra 2023, que asinan os aquí comparecentes, con arranxo as seguintes

CLÁUSULAS

Primeira. Obxecto do convenio

O obxecto do presente convenio é o de establecer as bases para a colaboración económica entre a Deputación Provincial e o Concello de Pontevedra para levar a cabo a celebración do campionato do mundo de tríatlón Gran Final das Series Mundiais de Tríatlón Pontevedra 2023, que terá lugar entre os días 20 e 24 de setembro de 2023, regulando as obrigas e compromisos de cada unha das partes asinantes.

Segunda. Importe e financiamento

*As actuacións ás que se refire o presente convenio serán financiadas pola Deputación Provincial, por un importe que ascende á cantidade total de **cincocentos mil euros** (500.000,00€), IVE engadido, para facer fronte aos gastos relacionados co desenvolvemento do campionato do mundo de triatlón Gran Final das Series Mundiais de Triatlón Pontevedra 2023.*

A achega da Deputación de Pontevedra financiará o custo total subvencionable máximo das actuacións para as que se solicita a subvención, con cargo á anualidade 2023 e contra a aplicación 23/942.9420.462.14 do orzamento provincial.

A achega comprometida consiste nunha contía fixa máxima, e no caso de que a actividade realizada teña un custo inferior ao inicialmente previsto e sempre que isto non supoña unha execución deficiente da totalidade do evento financiado, a contía da subvención reducirase proporcionalmente.

Terceira. Execución do convenio

1. A execución do evento deportivo para o que se solicita a subvención e o seu financiamento, terá lugar durante o ano 2023 de acordo coas obrigas de financiamento indicadas na cláusula segunda.

2. O Concello de Pontevedra redactará unha proposta de convenio de colaboración coa Federación Española de Triatlón (FETRI), CIF Q0878004A, para a organización e desenvolvemento do campionato do mundo de triatlón Gran Final das Series Mundiais de Triatlón Pontevedra 2023 que se desenvolverá do 20 ao 24 de setembro de 2023. Esta entidade ostenta a condición de órgano xestor e organizador do evento deportivo, por acordo da titular deste campionato, a Federación Internacional de Triatlón (a World Triathlon). Consonte co disposto no artigo 51 da Lei 39/2022, do 30 de decembro, do deporte e de conformidade co anexo A) do documento de constitución da World Triathlon (Federación Internacional de Triatlón), a titularidade e a condición de organizador da proba deportiva corresponde á federación deportiva de ámbito nacional da disciplina á que se refire o evento, Federación Española de Triatlón.

3. O Concello de Pontevedra remitirá unha copia do texto do convenio á Deputación de Pontevedra así como a xustificación das actuacións recollidas no convenio de colaboración.

4. A Deputación Provincial poderá inspeccionar as actividades e actuacións obxecto do presente convenio cando o teña por conveniente, así como formular as observacións que estime pertinentes, sen prexuízo de que corresponda en exclusiva ao responsable da organización e xestión da competición deportiva dar as ordes e instrucións que procedan.

Cuarta. Compromisos do Concello de Pontevedra

O Concello de Pontevedra obrígase a:

– Redactar e aprobar unha proposta de texto de convenio, entre o Concello de Pontevedra e a Federación Española de Triatlón (FETRI) para a organización e desenvolvemento da Gran Final das Series Mundiais de Triatlón Pontevedra 2023.

- *Aprobar o texto do convenio pola Xunta de Goberno Local, de conformidade co artigo 127.1.g) da Lei 7/1985, e remitir unha copia do acordo á Deputación.*
- *Obter os correspondentes permisos e tramitar ante outros organismos as autorizacións pertinentes que fosen precisas.*
- *Xustificar ante a Deputación a realización e financiamento das actuacións ás que se refire este convenio, nos termos da cláusula sexta do convenio de colaboración.*
- *Destinar os fondos percibidos ao obxecto concreto para o que foron concedidos.*
- *Comunicar á Deputación, de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.*
- *Dar a adecuada publicidade a este convenio, nos termos previstos na cláusula oitava, de tal xeito que quede constancia que as obras obxecto do presente convenio se levaron a cabo en colaboración coa Deputación.*
- *Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.*
- *Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.*
- *Cumprir as obrigas contidas na Lei 9/2007, de 13 de xuño, de subvencións de Galicia, e en especial as recollidas no artigo 11 da mesma. Tamén será de aplicación o establecido na Lei 38/2003, de 17 de novembro, xeral de subvencións, e no seu regulamento, aprobado polo Real Decreto 887/2006, de 21 de xullo, tratándose asemade dun convenio cuxas achegas económicas non exceden de 600.000,00 euros.*

Quinta. Compromisos da Deputación de Pontevedra

A Deputación obrígase a:

- *Financiar os custos derivados do convenio, ata a cantidade disposta na cláusula segunda, que será librada unha vez que o Concello de Pontevedra presente a conta xustificativa da subvención outorgada, logo da súa fiscalización pola Intervención provincial.*

A Deputación Provincial someterá o texto do convenio de colaboración entre o Concello de Pontevedra e a FETRI, obxecto deste convenio, á supervisión e comprobación dos seus servizos administrativos e técnicos e, se o estima oportuno, poderaos someter á aprobación do órgano de goberno que corresponda, coa finalidade de autorizar as actuacións previstas nos mesmos.

- *Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de*

Contas e ao Consello de Contas, en cumprimento do disposto no artigo 53 da Lei 40/2015 e da Resolución Presidencial número 2017008767 de 8 de maio de 2017.

Sexta. Xustificación e pagamento

Segundo o artigo 34.3 da Lei 38/2003 o pago da achega económica regulada neste convenio realizarase mediante transferencia bancaria, unha vez que o Concello de Pontevedra xustifique axeitadamente a realización da actuación para a que se concedeu a axuda, nos termos establecidos neste convenio e na normativa reguladora das subvencións públicas.

O tipo de xustificación será o de conta xustificativa con achega de xustificantes de gasto, debendo de presentar a seguinte documentación:

- Copia do acordo do órgano municipal competente polo que se aprobe o convenio asinado entre o Concello de Pontevedra e a FETRI para a organización e desenvolvemento da Gran Final das Series Mundiais de Tríatlon Pontevedra 2023.

- Memoria das actividades realizadas relacionadas cos gastos da actividade subvencionada, informe favorable de pagamento da xustificación do convenio asinado polo responsable do servizo e resolución de aprobación da conta xustificativa e pagamento a favor da FETRI relativos ao convenio que asine o Concello de Pontevedra coa dita federación.

- Memoria de actuación xustificativa do cumprimento das condicións impostas na concesión da subvención, con indicación das actividades realizadas e dos resultados obtidos.

- Memoria económica xustificativa do custe das actividades realizadas, coa relación de gastos e ingresos da actividade.

Só se considerarán gastos subvencionables os que resulten imputables a algún dos conceptos fixados no orzamento inicial presentado para a subscripción do convenio, sempre que resultaran estritamente necesarios para executar a actividade subvencionada e se teñan devindicado no período subvencionable. O período subvencionable abranguerá o tempo necesario para a organización e preparación do evento deportivo, que dada a súa grande repercusión e complexidade, será de 6 meses antes ao inicio da actividade e 1 mes despois da súa clausura.

Os gastos xustificandos deberán axustarse aos conceptos incluídos na memoria de actuación da subvención, sen que abone máis que o importe xustificando co límite da subvención concedida, establecendo unha porcentaxe de desviación máxima no custo dos diferentes conceptos e partidas da actividade subvencionada con respecto ao orzamento inicial do 20 %.

- Facturas ou documentos análogos con valor probatorio no ámbito mercantil e administrativo dos custe ou gastos pola organización e desenvolvemento da Gran Final das Series Mundiais de Tríatlon Pontevedra 2023, polo importe da subvención concedida.

- Xustificación da divulgación do financiamento da actividade por parte da Deputación.

- Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.

A xustificación deberá de presentarse ante a Deputación de Pontevedra no prazo máximo de tres meses dende o fin da actuación subvencionada. O prazo máximo para presentar a xustificación da achega será o 31 de marzo do 2024.

Sétima. Compatibilidade con outras subvencións

Conforme ao disposto no artigo 65.3, letra c) do Regulamento da Lei 38/2003, do 17 de novembro, xeral de subvencións, aprobado polo Real decreto 887/2006, do 21 de xullo, a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais. Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actuación subvencionada.

Oitava. Publicidade

En toda a documentación e informacións relativas á actuación á que se refire o presente convenio figurarán en todos os formatos os logotipos da Deputación e do Concello de Pontevedra.

As accións a desenvolver ao abeiro do convenio, deberán garantir un alto impacto e visibilidade da colaboración entre a Deputación e o Concello de Pontevedra.

De o considerar procedente, a Deputación de Pontevedra participará nos actos destacados do campionato deportivo, segundo as normas protocolarias que sexan de aplicación.

Por outra parte, en cumprimento do establecido na Resolución de 15 de xuño de 2020, da Intervención Xeral da Administración do Estado, pola que se regula o proceso de rexistro e publicación de convocatorias no Sistema Nacional de Publicidade de Subvencións e Axudas Públicas, e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións.

A tales efectos e para garantir o dereito da cidadanía a coñecer todas as subvencións convocadas en cada momento e cara a contribuír aos principios de publicidade e transparencia, a Intervención Xeral da Administración do Estado publicará na súa páxina web as subvencións concedidas, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.

Novena. Comisión de seguimento

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por dous representantes de cada unha das administracións asinantes, un dos cales terá carácter técnico.

As súas funcións, entre outras, serán as seguintes:

- A puntual recepción de información sobre todas as actuacións que se produzan na execución do convenio a que este convenio se refire.*
- Impulsar e avaliar o cumprimento deste convenio proponendo as actuacións que se consideren precisas.*
- Propoñer a interpretación, no caso de dúbida, do seu contido.*
- Se xorden controversias na aplicación do convenio propoñerlles ás partes a súa resolución.*
- A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das administracións asinantes.*

A comisión reunirse cando o estime conveniente o seu responsable, por decisión propia ou a petición de calquera dos seus membros.

As súas reunións terán lugar no Pazo Provincial da Deputación ou na Casa do Concello de Pontevedra. Na reunión constituínte da Comisión de Seguimento designarase ao seu responsable e ao seu secretario que levantará acta das súas reunións.

Décima. Vixencia

O presente convenio producirá os seus efectos desde á data da súa sinatura ata a total execución das actividades ás que o mesmo se refire, que en todo caso non excederá do 31/12/2023, estendéndose o seu prazo de xustificación como máximo ata o 31/03/2024.

Décimo primeira. Extinción e causas de resolución

De acordo co previsto no artigo 51 da Lei 40/2015, do 1 de outubro, de réxime xurídico do sector público, o convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- O transcurso do prazo máximo de vixencia do convenio.*
- O acordo unánime dos asinantes.*
- O incumprimento das obrigas e compromisos asumidos por parte dalgún dos asinantes. Neste caso, notificarase á parte incumpridora un requirimento para que, no prazo que se sinala, cumpra coas obrigas ou compromisos que se consideran incumpridos.*

Este requirimento será comunicado tamén ao responsable da Comisión de Seguimento.

Se transcrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio.

A resolución do convenio por esta causa poderá dar lugar a indemnización dos danos e perdas causados.

– Por decisión xudicial declaratoria da nulidade do convenio.

– Por calquera outra causa distinta das anteriores prevista no convenio ou noutras leis.

Décimo segunda. Réxime xurídico e xurisdición competente

O presente convenio ten natureza administrativa e rexerase pola Lei 38/2003 e o Real Decreto 887/2006 nos seus preceptos básicos; a Lei 40/2015; a lexislación básica do Estado en materia de réxime local; a Lei 9/2007; os preceptos non básicos da Lei 38/2003 e do Real Decreto 887/2006; polas cláusulas que se conteñen neste convenio; polas Bases de Execución dos orzamentos das administracións asinantes e polas restantes normas de dereito administrativo, e no seu defecto, as normas de dereito privado.

Así mesmo, a falta de entendemento previo pola Comisión de Seguimento as partes quedan sometidas á xurisdición contencioso-administrativa na resolución de posibles controversias que puideran suscitar o incumprimento ou a interpretación do convenio.

E en proba de canto antecede, as partes que interveñen asinan o presente convenio na data da sinatura electrónica.

O alcalde-presidente do Concello de Pontevedra, Miguel Anxo Fernández Lores

O secretario do Concello de Pontevedra, José Carlos Castiñeira Piñeiro

A presidenta da Deputación Provincial de Pontevedra, María del Carmen Silva Rego

O secretario da Deputación Provincial de Pontevedra, Carlos Cuadrado Romay”

– A sinatura do dito convenio condiciónase á aprobación previa deste polo órgano competente do Concello de Pontevedra.

– FACULTAR á presidenta para formalizar o devandito Convenio de Colaboración mediante a súa sinatura.

– DAR TRASLADO do presente acordo ao Concello de Pontevedra, á Intervención, ao Servizo de Cooperación, ao Gabinete da Presidencia e ao Gabinete de Prensa. ”

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por maioría, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e do Grupo Provincial do Partido Popular (7), a proposta de resolución indicada “ut supra”.

E non habendo máis asuntos que tratar, a Presidencia dá por finalizada a reunión, sendo as dez horas e oito minutos, do que, como secretaria, dou fe.

Pontevedra, na data da sinatura electrónica

A Secretaria da Comisión,
(documento asinado electronicamente)
Marina Piñeiro Novo